

虞
初
續
志

虞初續志卷十

小娘嬾山館重校刊

王纒鄭澍若醒愚編

續板橋雜記

珠泉居士

秦淮古佳麗地。自六朝以來。青溪笛步間。類多韻事。洎乎前明。煙烟澹粉。燈火樓臺。號稱極盛。迨申酉之交。一片歡場。化爲瓦礫。每覽板橋前記。美人黃土名。上青山良可慨已。迺承平既久。風月撩人。十數年來。裙屐笙歌。依然繁艷。詎江左流風。于今未艾。抑山溫水軟。良由地氣使然歟。

前明河房爲文人讌遊之所。妓家則鱗次舊院在

鈔庫街街與貢院隔河遙對今自利涉橋至武定橋兩岸河房麗姝櫛比有本朝蘇軾揚州之稱雖其中妍媸各別而紛芳羅綺嘹唳笙歌皆足使裙屐少年迷覓蕩志也

自利涉橋東爲釣魚巷至水關臨河一帶亦麗者所居地稍靜僻每有名姬心厭塵市擇此居之然自夏初水長以迄秋中遊艇亦復絡繹不絕由文德橋而西爲武定橋迤西至新橋亦有河樓地處西偏遊踪暫至故卜居者少至白塔巷王府塘諸處室宇湫隘類皆卑屑所居不敢與水榭頡

頃聞亦間有麗人余則未之見也。

貢院與學宮毗連院牆外爲街街以南皆河房每
值賓興之歲多士雲集豪華者挾重貲擇麗姝僑
寓焉寒素之士時亦挈伴閒遊尋蓮訪藕好風引
夢仙路迷人求其獨清獨醒殆什無二三也。

秦淮河鑿自祖龍水由方山來西流沿石城達于
江當春夏之交潮汐盛至十里盈盈足恣遊賞迨
秋季水落舟楫不通故泛舟者始于初夏訖于仲
秋當夫序屆天中日逢竹醉五月十三日傾城遊
出遊較端午尤盛遊
船數百震盪波心清曲南詞十番鑼鼓騰騰如沸

各奏爾能。薄暮須臾。燭龍炫耀。簾幕畢鈞。倩粧倚欄。聲光絳亂。雖無昔日燈船之感。而良辰美景。樂事實心。洵昇平氣象也。

秦淮河船上。用蓬殿懸以角燈。下設迴欄。中施几榻。盤盂尊罍。色色皆精。船左右不設窓寮。以便眺望。每當放船。落日雙漿。平分撲鼻風。荷沁心。雪藕盼清歌之一曲。望彼美兮。盈盈真乃縹緲欲仙塵。襟胥條矣。

青溪一曲。銷夏最宜。而遊目騁懷。春秋亦多佳日。至平夕。令朔風加刀。招招者絕迹矣。然促坐圍爐。

淺斟低唱作暖寒會正不減羅浮夢中

茶寮酒肆東則桃葉渡口西至武定橋頭張幕桃
帶食物具備諸名姬又家有厨娘水陸珍奇充盈
庖室倉猝客來咄嗟立辦燕飲之便莫過于斯一
院由雖各分門戶而去此適彼轉徙無常是以姊
妹行亦隨時更易問有親生子女一門團聚者大
概土著居多若乃買雛教歌認爲己女待客梳櫛
愛俏者其名愛鈔者其實嘗有一女而上頭數次
者捨父大賈無難欺以其方便彼慳囊頗破也一
河亭設宴向止小童歌唱佐以絃索笙簫年來教

習女優凡十歲以上十五以下。聲容並美者。派以
生旦各擅所長。粧束登場。神移四座。纏頭之費。十
倍梨園。至于名妓仙娃。亦各嫺法曲。非知音密席。
不肯輕轉歌喉。若寄生草。剪靃花。淫靡之音。乃倚
門獻笑者。歌之名姬不屑也。

日初過午。賣花聲便盈街市。茉莉珠蘭。提籃挈擔。
不異曼翁前記所云。近更綴以銅絲。幻成魚籃。飛
鳥。可以懸諸帳中。比及昏黃。則雪花齊放矣。酒醒
夢迴。芳馨橫溢。和以氣肌。薌澤如遊。眾香園中。
院中衣裳粧束。以蘇爲式。而彩裙廣袖。兼效維。

惟跣鞋用之者少。余見河房諸姬咸以素布製爲小襪似膝袴而有底上以錦帶繫之能使雙纏不露且竟夕不鬆脫也。其履地用方頭鞋如童子履而無後跟卽古鞞鞋遺製。燈影下曳之以行亦復不于有致至于抹胸俗稱肛兜夏紗冬縐貯以麝屑緣以錦縑乍解羅襟便聞香澤雪膚絳袂交映有情此尤服之妖者。以上紀雅遊。

秦淮名姝首推二湯二湯者本郡人以九十行稱學生姊妹也。態度則楊柳晚風容華若芙蓉曉日並翠眉而玉頰各盧瞳而頰唇乍見者如一對璧。

人無分伯仲。注目凝睇。覺九姬靨輔微圓。左手背有黑痣一小點。可識別也。早墮風塵。從良未遂。闔戶數十指。惟賴二姬作生涯。雖車馬盈門。不乏貴游。投贈而纏頭到手。輒盡居新橋之牛市。臨流數椽。湫隘已甚。余曾于辛丑夏初邂逅一晤。今秋往訪。適爲勢家招去。侑觴不復謀面。聞之桐城孫楚儂云。二姬窮愁日甚。雖年纔二紀。而消瘦容光較初破瓜時已十減六七矣。然三分丰韻尙堪傾袖。秦淮也嗟乎。人美如玉。命薄于雲。如二姬者。殆以奇姿遭造物之妬歟。楚儂又語余云。桐邑楊米

人曾爲二姬作雙珠記傳奇情文並茂惜尙秘之
枕函余未得而讀之。

朱大蘇州人身體弱小人戲以朱骨稱之蓋細骨
輕軀踐塵無迹倘舞迴風當挽留仙之裙也鬢髮
如雲明眸似水驟與之遇神光陸離在儕輩中齒
稍長矣而風度高雅無折腰顰齒習氣故文士樂
與之游隨園主人過江者宿也遂初旣賦寄興掃
眉雅與姬善蒼髯紅粉嘗相對于銀鐙綠酒之間
余于庚辛兩度抵寧時一過從淪名清談目爲豔
友惜近以病廢退居僻巷中生計蕭然無復過而

問者芙蓉綠水秋將老。鸚鵡金籠語可憐。舊日繁華不堪迴首矣。姬有女年方十歲。教以歌曲。不肯發聲。自言願歸里門。織布爲業。余聞之。嘆曰。此大知識之女也。宜成其志。姬亦以余言爲然。

徐二江陰之青陽鎮人。本姓張。乳名銀兒。年十七。適同里徐權。田舍郎。不解溫存。大有駿馬馱癡之感。權又性耽逸樂。不願力田。惑于匪人。夫妻偕赴吳門。轉徙秦淮。作脂粉生活。性情豪邁。不屑效倚門倡。與人較錢帛。非心之所好。卽誘以多金。弗顧也。余遊金陵。首與姬晤。雪膚花貌。豐若有餘。而裙

底弓彎却又瘦不盈握贈以詩有一泓秋水雙鉤
月洗盡秦淮爛漫春之句見者謂非虛譽先是姬
賃居洞神宮前馬姬家斗室兩間殊苦窄陋且爲
僦父所侮不安厥居余傾囊飲助並糾同志爲小
居于城北細柳巷中此庚子七月間事也明年春
余再抵白門姬又遷上邑之娃娃橋嗣余就館崇
川聞爲無良速訟移家維揚壬寅仲冬便道過訪
雖座上客滿不異曩時而風雨飄颻漸覺朱顏非
昔矣逮今秋載迨其廬則已舉家赴淮託言索道
實乃生計蕭索意欲別棟枝棲聞其瀕行猶倩人

至周稼軒幕中詢余近狀蓋賦情特甚焉爲誦家
杲邨詩云青山憔悴卿憐我紅粉飄零我憶卿殊
覺今昔同情不勝慟嘆姬幼工技擊不輕示人
余曾乘其薄醉強一試之矯若猿飛疾同鳥落騰
躍半炊許觀者咸目眩神驚姬一笑歛身依然尋
常旖旎也姬在娃娃橋時有本郡人張二寄居
姬家鉛華不御橫波流光雅有嬌憨之態惜翻雪
覆雨愛憎無常遂水桃花未免稍輕薄耳
王秀瑛小名受兒父母皆蘇州人生于金陵遂家
焉適伶人張七以母命非本志也姿首清妍舉止

開雅不樂與姊妹行爲伍所居鈔庫街之西閨閣
幽深修然絕俗有倉父某以白金四十啗其母謀
一夕歡不可得惟二三知己相對永夕杯茗清談
鮮及于亂遇緩急傾貲相助不望報也其性情矜
尚如此余友周子稼軒孫子楚儂皆與善嘗語余
云姬非五鼓不眠非日中不起早飯晌午晚膳三
更習以爲常不能改也自奉甚薄宴客必豐盛服
盈筯弗以被體能鼓琴善南北曲非興會所至雖
素心人不克強之發聲是蓋青樓中最有品者然
終以不得其所鬱鬱多病楚儂賦詩云我本飄萍

卿斷梗白門同。是月殘時。姬爲涕泣久之。有妹曰二姑。沈靜寡言笑。高自位置。亦大有姊風。

董三。蘇州人。肌膚不甚白。而天然韶令。雖粗服亂頭。自有一顧傾城之致。余戲以墨牡丹名之。惜遇人不淑。孽海飄零。所得纏頭。盡償博債。眉黛間常有恨色。同居二人。長董大眼光如醉。次董二姿亦白哲。然以視三之風韻。嫣然不覺瞠平後矣。

張玉秀。行大。蘇州人。隨其母寄居江寧。眉目軒爽。舉止大方。巾幘具鬚眉之氣。少時楚省吳公子。見而傾倒。出數百金。梳櫛之爲歡。匝月。公子就官浙。

東。未。半。載。卒。于。署。僕。從。雲。散。宦。橐。蕭。然。旅。櫬。不。得。
歸。里。姬。聞。之。立。出。篋。中。貲。遣。人。赴。浙。扶。柩。西。旋。舟。
過。江。關。素。服。哭。臨。呼。號。欲。絕。遂。于。江。口。招。提。廣。集。
緇。流。禮。懺。三。晝。夜。傾。貲。命。其。家。人。伴。送。至。楚。爲。之。
營。葬。而。返。以。此。俠。聲。振。一。時。辛。丑。歲。狎。客。朱。元。官。
爲。余。道。其。事。甚。悉。余。嘗。一。再。詢。之。淚。貲。熒。熒。隱。有。
母。也。天。只。之。恨。別。時。許。作。一。傳。荏。苒。三。載。未。暇。踐。
言。今。秋。過。訪。已。于。六。月。間。從。良。矣。問。之。鄰。姬。言。有。
同。邑。名。士。鄒。生。年。甫。三。旬。絃。斷。未。續。偶。與。姬。晤。姬。
知。其。高。世。才。也。贈。以。所。蓄。纏。頭。易。金。奉。母。飄。然。長。

往茲聞倡隨相得。筆耕針繡。稱嘉耦焉。吁。異哉。姬之所爲。殆有大過人之才識。而濟以豪俠果斷者。不圖于青樓中得之。余旣深嘉其志。且喜其得所歸也。爲之綴序其事。以償夙諾云。聞姬善崑曲。有崩雲裂石之音。其繼妹張二。弱質纖妍。亦嫺詞曲。姬有義女名雙福。年十一。曰晉聰俊。與姊鳳兒並工戲劇。余于王氏水閣聽演尋親記。跌包一齣。聲情並茂。不亞梨園能手。鳳兒年十三。亦姬義女。自姬從良後。其母尙賴三人作生計焉。郭三名。心兒。丹陽人。父早亡。及笄之歲。母戚媒氏。

言誤字維揚郭某成婚未幾竟以誘脅墮入風塵
年十九移家金陵之桃葉渡妖冶傾一時向來秦
淮以蘇幫爲文楊幫爲武姬雖產于雲陽而來自
邗江遂爲揚幫翹楚時人戲以武狀元目之所交
好皆達官貴人及文士負盛名者廷熱耶未易得
見侯色余曾于辛夏邂逅河亭頗而婉豐而逸素
肌纖趾溫乎如瑩于今三年姬齒二十有六而盈
門車馬不減當初余友季子影生甚與善嘗爲余
言姬賦性豪爽重意氣善知人無門戶習至于媚
骨天生更不待擇新采異也贈以短句四章有云

醉聞嬌喘聲猶媚暖慰豐肌汗亦香漫道司空渾
見慣溫柔只合喚仙卿皖桐光激六孝廉聞而擊
節以詩奇余有傳來好句惟卿兩解識芳心共我
三之句時孝廉在上洋戟署也姬有義女曰小
姑揚州人忘其姓年纔十七長眉掩鬢笑靨承顏
彈神曳裾風流秀曼亦後起之雋也

王四本郡人蘭姿玉質秀韻天成性喜清幽雖在
風塵常深自祕匿不甚見客所居月波水榭綺窓
錦幙不染纖埃几榻尊彝位置俱極楚楚入其室
者如別一洞天幾忘門以外之甚囂塵上也

施四蘇州人窈窕秀弱眉目含情唇一點小手桃
英趾雙翹瘦于蓮瓣年雖稍長調笑無雙殆疑雨
集所咏丰容工泥夜情味勝雛年者也松陵某尹
暱寵之攜居胥江別館三載後復歸秦淮

徐九揚州人早負盛名惜余未之見孫楚儂贈以
詞云簾前記執纖纖手中堂細酌盈盈酒語軟情
溫惆悵巫山一段雲背人特地留儂住驚風又拂
衣衫去無悶無愁萬喚千呼不轉頭又云驚春正
滯邗江櫂悲秋始返金陵道此口相逢疑是飛瓊
下碧空茜裙半掩榴花飾雲鬢低亞胭脂赤相對

多情只少些兒畫不成近聞已歸吳江某明府公
子爲側室甚有寵云

唐小本郡人住槽坊巷年方及笄品貌雙絕綺紈
深藏俗子朱易謀而善歌能飲解誦風詩每一棹
文如匡說解顧不數鄭家婢泥中之對也其大婦
曰嚴三齒長于姬而姱容修態堪與顏頤亦緣位
置自高羞與曲中人伍人罕見之

謝玉字楚楚本郡人年十六肌理玉雪秀慧絕倫
與其母居釣魚巷中善南北曲嬌喉一嘯飛鳥過
音母珍同掌殊後得佳子弟字之玉亦自矜聲價

不屑作尋常人。雖給侍講。遊猶虛屏山之夢也。
趙小字靜芳。江陰人。中人姿耳有執袴子昵之一。
時獻諛者。遂有文狀元之號。余觀其人沈默寡言。
無輕挑氣習。要亦善自修飭。不隨俗波靡者。
許壽子本郡人。年逾二紀。舉止風韻儼如閭閻中。
人有張生某。夙與善。生以華耕爲業。而未有室家。
歲入悉以遺姬。旣而生以失館旅居。養殖不繼。姬
招致之。日用皆取給于姬。衣履亦姬親製。繼復爲
宛轉營謀。得膺某邑侯之聘。館穀豐美。瀕行時。姬
置酒祖餞。生戀戀不忍別。姬于酒半忽抗聲謂生。

日青樓中。那有情好。所綢繆者錢耳。君留戀烟花。固思自立。浪遊數載。如夢如泡。今年已三旬一誤。豈容再誤。自茲以往。君當絕迹狹邪。亟圖嘉耦。妾不能終事君。亦不願繼見君。此間君勿復來。亦無復以妾爲念也。言已歛。歔泣下如雨。生大感慟。卽振策去。嗣聞就館三年。積貲頗厚。且娶妾生子。不負姬別時所囑云。一先是有潤城某公子慕姬名。策騎過訪。適姬所賃屋爲主者別售。迫令徙居。某立出千金。購以贈姬。至今青溪豔稱之。

徐二寶。本郡人居釣魚巷之上街。其夫爲梨園領。

袖姬子儕偶中年最長。余相識時。日不作脂粉生
涯。然素服淡粧。自然幽雅。徐娘雖老。尙有風情也。
皖桐光漱六孝廉。夙與之善。有無錫秦姬者。與姬
有葭苒親。向居丁字簾前。庚子秋。復自梁溪來寄
居姬家者匝月。余因徐姬得識秦姬。雖面如長矣。
而纖腰。蹀步。蛾眉。愁人。亦此巾幘。楚也。

徐壽姐。杭州人。適維揚徐某。僑寓秦淮。年已二紀。
儀逸風流。妙解音得。同居數姬。故善度曲。余嘗避
暑河亭。壽率諸姬。柳陰列坐。絲肉競發。雲委塵飛。
靜聆移時。宛在淮虛有也。

馬四蘇州人身軀弱小。明眸善睐。膚如凝脂。殆江淹賦所三氣柔色靡。惟雙趺不甚纖妍。常較小

刀鞋。俗名作忙促。

其微疵。

王二蘇州人。早墮。

由琴川轉徙金陵。余于庚

夏相晤于熊氏河。是容貌亦白媚妍。第苦貧。之不能自存。贈以貲。且爲延譽。得漸生色。及辛歲抵寧。則被屈麗都座客。常偏矣。綈袍雖在。已無戀戀。故人之色。余乞而詰之。姬面發頰。一座粲然。姬有妖曰鳳如。年方十齡。致亦楚楚。教之歌曲。發響清起。妙合自然。洵美材也。

湯四。湯五。揚州人。姿首皆明豔。而四姬尤柔曼豐盈。余嘗戲之曰。子好食言。而肥歟。姬不解。誤以言爲鹽。吳音言鹽相似。率爾對曰。吾素不嗜鹽。聞者絕倒。一陳小江北人。向居王府塘董二家。後徙潘家河。房年及破瓜。眉目疎朗。靨輔間幾點微麻。天然媚麗。余同鄉邵子義堂與之善。語余云。姬姿致亦猶人耳。所絕勝者。一痕酥透。雙蕾含春。觸手溫柔。不待斜照銀燈。驚誇瑞雪也。董二本郡董禿子女年十五六。亦有微麻白皙。瑰逸王府塘魁首也。金二本姓了。蘇州人居釣魚巷。豔名頗著。余于庚

夏曾一遇之。明眉慧眼。纖纖柔腰。幾欲傾其流輩。惜兩顴微高。婉容稍減。有某公子者。甚與善。珠玉錦繡。稠疊贈遺。嘗于。一月中。費金千計。兩情膠漆。引喻山河。秋以爲期。絲蘿永託。聞者咸謂金姬能博公子歡。慶將來得所。歸公子亦喜得阿嬌。擬以金屋貯之。一日公子啟扉而入。聞其無人。詢之鄰。姬則姬于前夕盡室以行。不知所往。公子疑信半。牽書空咄咄偵騎。四出踪緒杳然。悲憤填膺。一病幾殆。噫。青樓薄倖。如金姬者。其尤哉。

高四大倉州人。居東水關。願身玉立。情致嬌憨。皖

桐家萼秋一見傾倒。或云：姬向與其丞善，丞乃富
于貲，而蠹俗不韻者。萼秋力辯其誣，謂：俊慧如姬，
必能擇人，贈以詩，有云：「文君白解憐司馬，碧玉何
曾嫁汝南。」可謂情癡矣。乃萼秋盡傾橐中金，卒以
不歡而散。迨次年秋，萼秋領鄉薦，鹿鳴宴罷，緩轡
過之，姬慚沮閉戶，以疾辭，竟不出見。

周四，又稱梁四，蘇州人，年逾三十，風韻猶存，善彈

琵琶，名著青溪。桃葉間有兩女，大官貌不甚美，而

演劇頗佳，十餘齡耳，已識曲中三昧。同時小女伶

有周玲，乳名姐，官字方全，後改名琬，字吳雙福，張

義汪銀兒胡四喜秦巧姐等皆蘇州人並工院本而周玲實創厥始四喜獨冠其曹鑑湖邵亨升岩嘗語余云周玲之尋夢題曲四喜之拾書叫畫含態騰芳傳神阿堵能使觀者感心嫖目迴腸蕩氣雖老伎師自嘆弗如也以上紀異品

聞之金陵父老云秦淮河房向雖妓者所居不過數家開宴延賓亦不恒有十餘年來戶戶皆花家家是玉治遊遂無虛日丙申丁酉夏間尤甚由南門橋迄東水關燈火遊船徧尾蟠旋不覩寸灘河亭土下照耀如書諸名姬家廣筵長席日午至丙

夜座客常滿。樽酒不空。大約日糜千金。真風流之
數澤。烟月之作坊也。余遊金陵。在庚辛之交。已不
及見。爾日繁華名姝如朱素貞。劉大輩。皆如石氏
翺風。退爲房老矣。而風月平康。今猶視昔。至五月
初五十三兩日。遊船之盛。正不減曩時也。

珠市地近內橋。已爲市闐舊院。則廢圃數十畝。而
已。中山東花園。僅存其名。故址不可復覩。迴光驚
峯兩寺。亦金碧剝落。香火闕如。至長板橋。尤泯沒
無迹。詢之故老。漫指曠野中石橋。以應。無從辨其
是非。因誦西風殘照。楊柳驚腰之曲。覺當時尙有

秋水一泚。茲則盡成平陸。亦劫塵之小變也。夫明初于聚寶石城西開諸處。建輕烟澹粉梅妍柳翠等十四樓。以聚四方賓客。凡搢紳宴集。皆用宜妓。與唐宋不異。宴振之金陵元夕詩。所云花月春風十四樓也。今諸樓皆廢。遺址無存。長干里一帶室廬亦盡成廛市。鴛湖朱竹垞先生秦淮舟中詩云。聞道秦淮樂未闌。小長干接大長干。桃根桃葉無消息。腸斷東風日暮寒。吾湖東林陳蘭谷先生亦有詩云。輕烟澹粉亂棲鴉。重過城南舊狹邪。不爲東風賒美酒。怪渠吹盡六朝花。

沈香街卽鈔庫街在貢院對河相傳嘉興項子京
焚所製沈香牀香經四五日不散因以名街余調
章臺中原少清種然千金買笑期月便忘絮薄花
浮母乃太甚快哉項生酒半抗聲裂衣搥牀一吐
胸頭惡氣足令此輩愧生顏變矣乃街之名由此
而傳則又妓之不幸而街之深幸也夫

桃葉渡在青溪曲處渡頭坊表金碧煥如每當夕
照西沈酒舫喧闐與競渡聲相間對岸爲御河房
相傳前明威武南巡曾經駐蹕水榭外垂柳千絲
他烟漾月暑窓彼倚清風徐來不待帷展紫綃始

消塵煥也。丁字簾前。厥名舊矣。今利涉橋之西。水榭三間。最爲軒翥。玉筋篆額。尙懸楣間。縱非當日故居。當亦相去不遠。桃花扇傳奇云。桃根桃葉。無人問。丁字簾前。是斷橋可證也。

秦淮遊舫。不施窓幕。彼姝鮮乘舟者。競渡則有樓船。進自水西門。浮几紗窓。拂拭楚楚。名姬三五載酒。嬉遊簾影。衣香隨風。搖曳余手。辛丑夏五。猶及見之。嗣以當事者禁之而止。

端午龍舟。傾城遊賞。極一時之盛矣。中元節爲盂蘭集福會。諸名姬家皆禮懺設齋。虔修佛事。好事

者則于河流施放水燈。隨波熒熒。頗堪寓目。至中秋前後。少壘凡爲臺。陳設香菓。喧闐鼓吹。宴樂連宵。或踏月嬉遊。逢橋打瓜。亦歡場韻事也。

河亭徙倚。以永朝夕。不須倚翠偎紅。自可嬉怡忘倦。余于今秋寓居王氏水榭。每晨起盥櫛。初畢。卽聞鄰女教歌之聲。風外悠揚。使人意遠。至日亭午。遊艇如梭。呈綵逞竹。入夜則燈光煥發。爆竹喧。聞偕雲陽校書。掀簾憑眺。焚香啜茗。娓娓清言。幾忘涼月之西沈也。

市井方言名姬不屑道間有一二語在章臺間習

聞之如這也不該提那也不必了。是也。年來忽尙一少字。每詢以事之隱諒者。輒矢口而答曰。少余嘗戲作集句曰。這也不該提。那也不必了。白哲誰家。卽魂斷一聲少。

受郎珍惜只儂知。難忘霞侵月滿時。最是將歸猶未忍。阿母傳語怪來遲。此疑雨集中王次回贈左卿詩也。庚子八月十日。余在江陰徐校書家。亦嘗竊取其詞以記事云。受儂珍惜感儂癡。最是霞侵月滿時。虛說並頭蓮子好。箇中苦意只卿知。同鄉沈子潔大語余云。長洲詹孝廉湘亭于今春

應詩白門昵梁四養女磬兒有扇底新詩六十首
誌其事其友王缺夫賦誌夢詩五十章和磬故
吳人謀歸吳以事詹志未諧而卒詹哀之以三百
金市其柩歸葬于虎阜再來亭之西隅邢昌司鐸
沈蒼漁爲譜金笑傳奇詹王兩君詩冊暨蒼漁
傳奇潔夫皆見之能誦其畧惜余後至未睹爲
憾潔夫又云同時有趙菡者與磬女弟荷兒狎荷
以馬湘蘭小影贈之亦韻人也茲已從良矣吁青
溪不少名姝何四條絃家獨多佳話耶
有賣花馬姬者蘇州人住洞神宮前黑廊下年畧

十餘而寡。日于河房中。送花爲業。子媳一人。並工手藝。所居前空。屋兩楹。常供客館。鄰寓有陳生某。家本越中。浮踪白下。值歲除。主人以生夙連無償。迫令他徙。生請以五日爲期。意將遷延。卒歲而主人不可。發聲徵色。生負氣出曰。進退無所。躑躅于利涉。矯上將爲抱石之謀。適姬自橋南送花歸來。見生倚欄。子立神氣頹喪。過異。平時疑而詰問。生若罔聞。詞色閒轉。似憎姬饒舌者。姬益駭惑。強攬其袂以歸。妍詢多時。始得其實。姬喟然曰。子誤矣。以子之貌。當非久困者。何識短智淺慮。不欲生去。

雖貧猶能爲力。所貸鄰寓房。膳老子。金卽當代爲
措。借今夕移寓。妾居度此殘歲。俟有機緣。再圖他
適。可也。言已。便詣鄰居。告以故。携取行李而返。生
感其情。卽爲棲止。迨次年。生汲引乏人。仍無安頓
之所。食用皆仰給于嫗。嫗積久。無倦容。亦無德色。
偶有嘉肴名菓。必先奉生子。及媳。咸服事。唯謹。嗣
生妻物故。子以貢父來寧。嫗知生無以爲家。復百
計張羅。爲其子納婦。卽于鄰左賃屋。以居。生父子
幾忘旅人之因焉。後年餘。生始就邗江一巡司幕。
席摯之。借往無多歲。入俸給養。殮淮陰一飯之酬。

尚將俟諸異日也。同時有潘姬者，亦蘇人子。三歲習梨園，伯仲居河房，在文德橋西。季則家于白塔巷，相距里許。姬往來兩地，日以爲常。橋北有八角碑亭，乃必經之路。某歲除夕，姬自河榭歸，出門數武，見有儒衣冠者，投繯于亭角，疾呼家人解救。獲甦時已昏暮，昇歸河亭，詢其姓氏，則張生名某，籍隸浙西。亦緣賦閒，僑寓壽聖菴中，負西客百餘金。歲暮莫償，而客坐索不去，生不得口，謬以告貸。他出至此，自經。姬聞之，笑曰：「負欠不過百餘金，醒醒守錢奴，何傷人太甚耶！」立鎖篋出金償西客，且送。

生歸。寓勸慰良殷。改歲後復不能飽遺已而生。就館西江。依依惜別。姬誓不望報。敦促啟行。迄今音問不絕如親中焉。二事皆得之雲間袁子繼香所述。余于二姬猶及見之一賣花一豢妓而濟困扶危各具一副俠腸。大爲窮途生色。孰謂若輩中無人物耶。爰採入軼事以傳之。且以風彼鬚眉。鑽研錢孔。曾二姬之不若者。

秦淮雜詩自漁洋山人後作者如林。美不勝錄。近時吾郡徐雨亭先生溥著有竹枝詞十首。質而弗俚。逸而不纖。亦足徵前代之流風。誌一時之韻事。

也詞云何處春光景倍佳。烟花十里舊秦淮。豪家
日費千金賞。博得青樓一鳳鞋。紅粉結隊鬧鉛華。
高髻盤雲墮鬢鴉。相與踏青聯袂去。舊王府裏看
桃花。絲鷁飛鳬取次過。遊船如織疾于梭。翠眉不
許人窺見。水側簾遮豔影多。繡罷鴛鴦戲綠毬。腰
肢無力任勾留。生來少小風流慣。只解嬉春不解
愁。茶靡開罷綻紅榴。底事秦淮作勝遊。兩岸河房
添好景。石欄杆外競龍舟。丁字簾前柳數行。晚涼
浴罷換新粧。嬌喉齊唱桃花扇。誰似當年鄭妥娘。
梨園樂部夜相邀。行現風情未易描。留得懷寧餘

曲。碣。春。鐙。燕。子。諱。笙。簫。不。愛。後。湖。十。頃。蓮。偏。愛。訪。
妓。莫。愁。邊。遊。人。盡。道。城。南。好。萬。柳。莊。前。繫。酒。船。水。
調。伊。梁。動。客。愁。渡。頭。桃。葉。尙。名。樓。畫。船。入。夜。笙。歌。
沸。笑。指。星。河。看。女。牛。雲。髻。風。鬟。插。紫。蘭。香。羅。細。葛。
怯。輕。寒。中。秋。臨。月。嬌。嬈。甚。慣。會。逢。橋。打。五。盤。相。
傳。而。亭。在。金。陵。爲。人。司。織。局。每。吟。詩。與。機。聲。相。和。
所。鋪。客。遊。十。中。又。有。秦。淮。卽。事。詩。云。漫。擬。瓊。枝。話。
六。朝。輕。烟。澹。粉。已。沈。銷。蝶。香。人。去。遺。歌。扇。挑。葉。春。
歸。冷。洞。肅。別。院。空。傳。鶯。語。滑。落。花。猶。襯。馬。蹄。驕。長。
堤。刻。有。多。情。柳。依。舊。絲。絲。結。畫。橈。清。麗。華。綿。不。亞。

新城綺製也

以主事

雪鴻小記

珠泉居士

余自辰秋金陵返棹遊興漸闌雨載高平足不履
塵市每吟微之曾經滄海除却巫山之句真覺取
次棹叢懶迴頭矣丁未暮冬賴川明府攝篆維揚
相偕至止揚因舊遊城北校書又金陵舊識暇時
過訪頗慰離懷然當棋罷酒闌閒談往事誤人紅
粉老我青衫不禁相對歔歔其悼天涯淪落也校
書居亢家花園自園北至水閣兩岸河房鱗次同
人徵色選聲嘗拔其尤者五人以佐文字之飲迨

次年月五花天。變態情海。生波出其門閭。風流雪散。此五人者。亦借城北校書。飄然遐舉焉。客窓枯坐。聊爲記叙。譬彼飛鴻。踏雪隱約爪痕而已。若謂三生杜牧。贏得名存。則我豈敢。

方璇。江陰人。本姓水乳。名阿全。方王奴之義女。幼爲金陵女伶。余于辰秋。曾相識于王氏河亭。色苑俱佳。已傾流輩。以其命名未雅。易之以璇字。曰媼來。于今三年。河干邂逅。烟輕月瘦。雪韻花嬌。正盈盈二八時也。性耽清雅。沈靜寡言。初居小秦淮之南。因避塵囂。移家古旗亭曲巷中。閨閣幽深。非素

心人未吁。毋問玉亦將順其意。珍如掌珠。綠萍前。
尹余同鄉中表成也。以栽花之仙吏爲掌玉之文。
星投簪後。僑寫竹西絕憐愛之適。有傖父使酒罵。
座。意將逮辱。嫺來綠萍囑余護持得寢。其事余每。
餘暇過從清談。移晷嘗見其理。雙髻束雙弯。笑笑。
生芳步步移。妍頁可相對。療餓不待哺。紅膩綠也。
爲賦玉梅二絕贈之。有管領春風第一枝。及明于。
新月澹于雲之句。嫺來頗解賞音。逸余書于香筆。
時時吟誦出人懷袖中。會夏杪玉奴以事速訟倉。
猝間偕返里門。明月蘆花不勝惆張。玉奴亦江。

陰人年逾二紀姿致猶人惟不愧溫如

之自善飲酒曲亦清

王州人年十八與兄一

客瓏將赴某鉞公招華

服忽忽就道間日載造其廬適因清恙午睡

初起帕羅覆額芳澤無加而逸韻風生媚麗欲絕

始嘆清水芙蓉妙在絕去彫飾耳于時試茗之餘

繼以歡讌余于醉逸其輕歌瓏力疾爲度十二

紅一曲雙蛾微歛橫波流光一串珠喉溜轉如鵬

音入耳聞影令人真箇銷魂也夏五初旬聞

其許字吳人王某余初疑傳言之妄往探其實則已斑駁夙駕黃實宜家矣詢伊長嫂愛奴乃知雖年少早已失脫風塵而志在隨人又不願作勢家姬妾因與王某夙契識其氣宇非長貧賤者決計于歸棄紛華如敝屣焉噫黑風孽海飄泊多矣龍以稚齒韶顏獨能早登彼岸度亦有善根哉愛奴蘇州人向居金陵近以年長退爲房老色猶未衰舉止溫和長于應對都人士每樂道之黃翠兒字綠筠常熟女伶王天福妾也初大婦三泮子過之虐嗣以色藝冠時舉家仰食于翠始善

視之余于去春相識時翠已十九年矣融酥作骨
搏粉爲肌素質豔光雖玉蕊瓊英未足方喻鑑湖
童子杏浦見而傾倒留頓浹旬欲以多金贖之翠
亦幽怨盈懷願奉公子盟匹因格于勢未果無何
而有小玉奴之事小玉奴者天福之媳早歲曾適
童姓繼歸于王亦以脂粉爲生其父母知之有年
一旦訟之有司意欲別售富室子事本與翠無涉
有以讒言進者將居翠爲奇貨遂秘逮時翠方娠
杏浦爲之上下營救余亦多方調護始以疾放歸
驚心甫定懷珠遽墮風雨梨花幾經摧折矣先是

有河南某丞慕翠名思購爲妾丞素漁于色且自
頂及趾無雅骨翠百許辭之悻而獲免會以訟餘
養病金陵丞又極于所往覬翠孤弱將劫以行翠
闔戶悲號截髮以誓奸謀乃寢比其反也歲律云
莫天福夫婦方以訟破家不能自存翠雖心乎杏
浦而身處簪紳義難恣然以去且天福夫婦亦不
肯遽捨此錢樹子也維時杏浦館于安宜問遺不
絕嘗寓書于余暨潘子初香就近保護之妍香則
詩十絕紀其事余謂杏浦洵有情癡需以歲時日
應作延津之合也詎意天不假緣杏浦于閨夏遽

賦。玉樓鴛鴦盟未諧。鷓鴣飛何亟。吾爲杏浦傷。并爲綠
筠痛矣。附錄研香詩。誌人琴之悼。且以詒好事者。
詩云。青娥原是謫仙人。幻色空花惹宿因。誤落黑
風三萬劫。明珠一粒委泥津。娟娟翠竹似容光。門
巷春深駐泰娘。何處槐枝橫夾道。江干憔悴女兒
箱。琅玕一片總凌空。只在山隈水曲中。紅杏交枝
春意鬧。此君無節不玲瓏。妬花風色太披猖。從此
溫柔未有鄉。廡下孤桐廚下爨。賞音那得蔡中郎。
淪落空憐絕世姿。阿誰顛倒獨情癡。名花借得東
風力。暮暮朝朝好護持。春歸紅袖竟同去。月上青

樓影共還望。斷天涯。人不見。夢中情。淚滴成斑。如
瓜小艇。逐鴉夷烟。水蒼茫。杳不知。蓮子心。腸紅豆
影可憐。苦裏暗相思。西風曰。下柳欹斜。鳴咽秦淮
水。一涯半紙雲。藍情萬縷。總教人不薄。烟花春光
依舊入。揚州宵市橋邊。古渡頭。一樹馬纓。迷客路
願郎曲折到。紅樓騎省多愁髻。已絲爲君更唱斷
腸詞。安能天意從人願。大婦同行小婦隨。
陳銀兒。蘇州人居水關之東。弱歲學歌聲。如雛鳳。
嘗一夕工數劇。老伎師嘆弗如。豪客贈遺無反日。
然性曠爽。阿堵物不以關懷及。長益厭鉛華素服。

淡粧亭亭玉立與綠筠夾河而居年並十九固一時雙壁也余友陳子心懣雅愛尋芳而輕薄萬午
愜心者少客春上巳偕余間步平康獨丁銀兒一
見心醉迷香洞中擬作蘇姑子好夢暇卽往訪挑
以辭不答屢叩之或以疾辭余私詢其義妹福兒
始知銀與新安蔡生訂有婚誓迨吉子歸不同章
臺柳矣余笑謂心懣曰花枝已屬東風管珍重流
鶯別處啼二語可代銀作答心懣爲之惻惻者累
日然猶幸佳期迢遞無訪造室晤言挹彼清芬不
必定作切花人也未幾聞綠筠爲訟累銀益嘆此

中不可居而生亦適以油壁來迎遂于四月林際
家竟去吁銀亦可謂出淤泥而不染者矣第聞生
以丞職待選僑寓維揚年當授室使君固自有婦
也銀于定情時位非小星然他日相逢莫能兩大
爭春梅雪恐費平章則銀尚于此少商量矣偶與
心懺論及之心懺又爲之悶悶者累日 福兒年
十五丰姿韶令銀賞教之歌曲亦能繼其聲
陸慶兒嘉興人本良家女爲王三童養媳虐于其
姑驅事章臺非本志也歲寒自守楚夢猶虛余友
潘子研香亟稱之因往訪焉年方及笄淡薄粧梳

體無華飾而笑彎秋月羞暈朝霞柔媚中別饒幽
致挑菜節研香邀遊平山復相遇于長春嶺之西
榭時值峭寒未解殘梅在枝廣竚立花陰風吹鬢
影愁思弱態如不勝情研香語余日是兒終非風
塵中人也卽于席間賦滿庭芳一闕云慵髻低鬟
顰蛾歛黛湘裙微蹴蓮鈞盈盈二八相見半嬌羞
眾裏勝常道罷生姿處一晌凝眸金尊奉鶯啼嘒
嘒宛轉引歌喉人間多恨事花時南橫月上雲稠
況黑罌風裏挫折飄流那得藏諸金屋深愛護玉
軟香柔嗟予是傷春杜牧端的爲花憂余亦口古

一闕和之云紅暈潮鮮綠推雲。鳳香泥淺印雙鉤。
祇徧索笑相識。尙含羞。攜手落梅風外。盈盈酒併。
入明眸。嬌無那。霞杯怕賭。小酌潤歌喉。舊遊曾記。
蘅橋頭。柳暗渡日花稠。怎教。姿蓬巷。越樣風流。恰
遇潘郎清潤。閒拾罷心醉溫柔。還試開相思。此後
何處采忘憂。對酒高歌。慷當以慨。慶爲嗚咽久之。
迨夏中聞有武林某公子。以重金購爲側室。甚有
寵。余喜研香之言驗矣。更重爲慶。兒幸也。
余昔往來邦上。停撓每無多日。一時名姝如林。巧
兒金瑞芳等。皆未謀面。今狎游旣數。寓目遂多。雖

空冀北之羣。尙落藍田之屑。或齒加長而風韻猶存。或名稍輕而幽清獨抱。芳心豔影。寧教一例沈坳。因復附書數人。亦雪泥之纖爪云爾。

楊大蘇州人。藉甚聲名。甲于北里。向爲薩尹董某所暱。潛居別館者數載。後因阨于大婦。仍返邦溝。雖給侍讌遊。不復握雲攜雨。蓋以報董之知遇也。余于今春相識。已逾季隗。請待之年。而秀外慧中。翛然絕俗。落落大方。當爲此姬首屈一指。

趙三字繡芳。亦蘇州人。金瑞芳之義妹也。姿容俏潔。不以脂粉汚顏。卽粗服亂頭。丰韻殊絕。至于足

翹細笋腰折迴風尤覺顛掉纖柔具有萬方儀態
余友倩薊主人夙與之善

張三字素娥亦蘇州人姿僅中人而賦情特甚相
交縷繆一往而深不以貧富易其念且遇急難不
惜傾篋贈遺是亦風塵中獨具真性者

楊小寶本和人年十七姿致明淨眉宇間稜稜露
爽善南北曲兼工小調一矢百應絃合節歌場推
爲獨步其母素有瘋疾或忤佳客小寶周旋其間
每一言解頤能令公喜余以解語花目之

閔德兒蘇州之木瀆鎮人年二十餘豔名甚著幾

欲方駕王陳諸姬。余每于城陰放棹。時邂逅水亭修蛾。曼睩貌亦秀韻。非常第喉舌間重濁不類吳音。且以其頥之狀病于雙跌。未免苗條太甚也。聞德本名姬周二侍女。姬向與閔某善。有缺臂盟。後閔以遊蕩不羈。姬延之至家寢食與共。雖伉儷不過也。居久之。閔潛與德私。與姬情殊不屬。姬覺。遂閔及德。德遂偕閔徙居城陰。作脂粉生計焉。蘇高三者。姓高行三。崇明人。寄籍姑蘇。轉徙維揚。時鄰人亦名高三。加蘇字以別之。其實姬亦從夫之名。並未以姓氏著也。頥身玉立。慧限波流。見者

岡不色授魂與。且善何人言。必中肯綮。問其年。已數
到星張軫翼矣。向與城北校書。本姓張名銀兒江陰人詳見續振嬌
雜艷名相埒。今竝以齒長。不與諸姬伍。而城北以
風情著。美姬以歌曲擅長。皆有聲于時。不至門前
冷落也。自方黃兩家。各以無賴速訟。河房中咸懷
雀鼠之警。城北旣浮家。吳會姬亦戢影。邗溝每過
城隅。不勝人面春風之感。

虞初續志卷十二

小娜嬛山館重校刊

玉偃郭樹若醒愚編

秦淮聞見錄

雪樵居士

新安給諫王葑亭先生友亮咏秦淮七古云江
王氣日鬱葱黃旗紫蓋天所鍾楚王理金壓不得
癡絕更聞秦祖龍赭衣三千鑿淮水衣帶縈紆百
餘里雄圖未闕紫髯公大統先歸赤帝子從此東
南運始昌相承五姓作金湯烏衣瑞兆曾古郭朱
謹嘉名更立航紛紛割據都如夢禁得春潮幾回
送尚留風月此中偏畫舫相簾簾鼓闌接秦淮水
莫力續志卷十二

源出句容華山秦始皇用望氣者言方山斷長
龍以泄王氣自通濟門入郡城

玉墀先生題羅兩峯板橋遺跡圖云談罷羅家鬼
趣圖去尋舊院影模糊蘆根瑟瑟如人語中有鶯
鶯燕燕無綠燕一片眾香埋半沒橋身半沒街艷
迹但遺殘礎在也曾親近玉人鞋此怕夢婆似舊
人盤桓幾度可憐春祇緣生長烟花裏猶作亭亭
倩女身首番遊緒已愴然又對風斜雨細天畫最
淒涼天最慘看君筆上起蒼煙其繪圖之日倘有
綠燕殘礎今皆無存詢之耆舊在廻光鷺峯寺之

問。蔓草荒煙。何從考據。徒增感慨耳。

郭頻伽磨中秋日細娘招集秦淮水榭七律云。當
筵索賦定情詩。金縷鞋盃纖手持。正是秋風多病
日。最難人月並圓時。瓊樓玉宇寒如此。翠被香衾
或未知。勝事秦淮應說偏。一宵清坐共楊枝。院中
之細娘不。未知誰氏詩。以存人可也。又秦淮席
上和叔溫原韻云。柔情如酒酒如川。小坐真成小
比肩。羅綺前頭須福命。功名到手要華年。山偷眉
黛從人畫。天借燈光補月圓。好向客中同作達。青
衫紅粉定誰賢。

素琴張大娘養女居丁官營口閣中七絕四首失
作者名姓僅憶其一云。曉風殘月唱來清。怪我當
筵酒自傾。聽到歌喉珠樣嘯。一時愁煞好啼鶯。
雙湖太守禁妓簡齋太守以詩解之。趙雲松觀察
翼戲題五絕句云。登車紅袖滿啼痕。詩老爲招已
斷魂。十四樓高功保障。平康護法好沙門。八十衰
翁已白紛。惜花心在老逾殷。哥舒半段槍無敵。肯
救人間娘子軍。南部煙花手護持。君房下筆妙言
辭。女閭援到齊桓例。莫是貪他夜合貲。巧爲蛾眉
作主張。一言感煞衆紅粧。知君九十開筵日。定有

湘蘭百枝觴多少。妖姬又泊客家家。虔炷瓣香濃
青樓占得長生位也。抵先儒祀。營宗。

銅陵明經王保厚。心單自號蓬萊小吏。性情凋儻。
天資豪邁。丁卯冬宴集張氏水閣。賞紅白盆梅。卽
贈座中二姬云。寒風料峭。日初斜。滿樹落雷欲放
花。一種風情誰得似。紅兒家。近雪兒家。

雲南段皆山。所青溪七律云。秦淮煙水接青溪。一
片香風隔岸吹。花艷畫樓簾不捲。柳穿酒舫扇相
窺。湘蘭舊宅鄰挑葉。玉樹新聲變竹枝。渡口往來
船不斷。有人深拜小姑祠。

華亭金棟贈金心娥校書二律云金屋棲遲記昔時。阿嬌未貯渺相思。重來舊館如巢燕。瞥見名花想折枝。月榭風廊卿倚醉。釵光鬢影我成癡。却憐帶笑含愁處。不許卽裁贈別詩。欸步簾前不厭頻。彈碁淪茗鎖相親。幾時暮雨逢神女。一夜秋風動旅人。衣上淚痕燈下落。髻邊花影鏡中新。慳慳愧乏瓊瑤贈。手界烏絲託夙因。余於席間得晤心娥。和如春顰淡若秋英。果非庸脂俗粉也。

詩亭給諫詠桃葉渡云。湘簾低亞秦淮綠。月照玲瓏人似玉。風流不唱後庭花。白愛儂家桃葉曲。憶

肯橫波兩漿飛。載將紅袖向烏衣。帆隨渡口潮痕
落。人伴堂前燕子歸。新粧理罷春衫滿。花與腰肢
同綽約。歌成團扇不勝愁。苦憶江頭波浪惡。過眼
娉婷似夢中。碧天望斷彩雲空。猶餘幻影臨流水。
一樹天斜笑晚風。

秦澗泉秦淮絕句云。金粉飄零野草新。女牆日夜
枕寒津。興亡莫漫悲前事。淮水而今尙姓秦。

董近溪過湘蘭故宅云。石城東畔石橋斜。徐國園
荒有落花。一代煙消歌舞歇。候門不及舊兒家。

馬搗村士圖秦惟雅集七律云。東風吹綠白門朝。

六代鶯花春正饒。勝地喜逢佳日集。名流爭赴美人招。烏欄圍月波心舫。紅板橫煙柳外橋。新起歌樓高百尺。珠簾不捲聽吹簫。

浚芝泉秦淮春漲歌云。春煙黯淡春雲駛。二月江南雨聲裏。萬里潮通一夜風。秦淮新漲騰騰起。新漲秦淮日漸高。百花開處濺銀濤。青溪渡口才三尺。紅板橋頭又半篙。橋頭渡口天搖碧。斷隄沉沙香無迹。浪影初侵撒網灘。波痕已沒蒹衣石。風痕日影漾參差。潮漸增多春漸遲。楊柳綠拖桃葉渡。杏花紅泛小姑祠。此時水閣春光淺。此日玉人眉

黛。展。曲。片。紅。窗。扇。扇。開。高。簾。銀。蒜。層。層。捲。窗。開。簾。
捲。悄。無。聲。祇。覺。河。子。信。有。情。誰。家。繡。閣。重。龍。餅。何。
處。珠。樓。奏。鳳。笙。繡。幙。珠。樓。春。晝。長。水。聲。笙。韻。兩。悠。
湯。粉。脂。潑。處。流。成。錦。花。持。飛。時。浪。帶。香。暮。汐。晨。潮。
春。事。過。掠。波。小。燕。還。相。賀。可。知。人。是。鏡。中。身。始。信。
船。真。天。上。坐。處。處。樓。臺。倒。影。明。鵬。頭。綠。皺。皺。紋。輕。
春。情。從。此。如。春。水。傍。着。欄。干。日。日。生。芝。泉。名。霄。江。
寧。人。著。有。鳳。巢。山。房。詩。集。予。見。此。詩。於。曹。鳳。珍。校。
書。家。周。蓮。亭。隸。書。詩。字。俱。佳。每。爲。嘆。賞。
秦。州。團。樹。撒。維。塘。白。門。絕。句。云。夜。夜。秦。淮。夜。夜。簫。

鱸魚時節長秋潮。曾經丁字簾前坐。細雨青燈話。
六朝周雪客詩云。三弦撥動梁州調。故老聽來盡。
白頭曹偉謨詩云。輕輕斷送南朝事。一曲春燈燕。
子箋悲涼感慨大雅遺音。

姜兆蘭秦惟春曉云。隔簾燈燼月低欄。似水韶光。
欲駐難。雙漿烟波潮落早。六朝春夢烏啼闌。王孫。
車馬芳塵遠。商婦琵琶夜月寒。十里花飛流不盡。
青衫有淚幾時乾。姜君青陽人著。有春庭詩草。
陳巧齡家居城北。近遷文德橋下。座無雜客。庭有。
苔痕。鞦韆袖垂。鬢。嫣然媚麗。購藏卜敏墨蘭一幅。敏。

爲玉京妹。此卷畫於崇禎癸未中秋後一日。年十四五時也。巧齡珍愛。時常展玩。殆氣類相感歟。彭甘亭居士原題三絕句云。粉印螺香一尺綃。棗花簾下想垂髫。如何便解靈修怨。不寫東風豆蔻梢。關心向姊說桃根。曾着黃紵入道門。似替伊人寫秋照。藕絲冠底澹眉痕。舊院風流話水天。青溪紉素半飛煙。亭亭一朵秋花影。尙在恒河浩劫前。

沈言坪於庚辰夏午招邀王朝霞張寶林紀昭林胡蓮漪宴集王氏水閣。醉後題壁一律云。垂楊牆外繫蘭橈。長夏秦淮暑易消。花氣半窗人語細。歡

聲一片。酒兵驕。華燈照水。疑星隕。香篆隨風。若霧
飄。最愛曲欄紅影裏。當頭明月。隔簾簾。一
閨秀。詩少有咏秦淮之作。近見碧梧夫人咏媚香
樓七古云。春淮烟月板橋春。宿粉殘脂膩水濱。翠
黛紅裙競粧裹。垂楊勾惹看花人。香君生長貌無
雙。新築紅樓號媚香。春影亂時花弄月。風簾開處
燕歸梁。盈盈十五春無主。阿母偏憐小兒女。弄玉
雖居引鳳臺。簫郎未遇吹簫侶。公子侯生求燕好。
輸金欲買紅兒笑。桃花春水引漁人。門前繫住遊
仙棹。奄黨纖兒想納交。纏頭故遣校章招。那知西

千。含。蠶。拒。更。比。東。林。結。社。高。樓。中。剛。耀。雙。星。色。無。
奈。風。波。生。頃。刻。易。服。悲。離。阿。軟。行。重。房。難。把。臺。卿。
匿。天。涯。從。此。別。情。濃。錦。字。書。憑。若。個。通。桐。樹。已。曾。
棲。彩。鳳。繡。幃。爭。肯。放。遊。蜂。因。愁。久。已。拋。歌。扇。教。巧。
忽。報。君。王。選。啼。眉。擁。髻。下。桂。樓。從。今。風。月。憑。誰。管。
柘。枝。舊。譜。唱。當。証。邪。曲。新。翻。燕。子。箋。總。爲。聖。情。憐。
覩。覩。桃。花。宮。扇。賜。簾。前。天。子。不。知。征。戰。苦。風。前。且。
擊。催。花。鼓。阿。監。曾。傳。鐵。銷。開。美。人。猶。在。瓊。臺。舞。銀。
箭。聲。殘。火。尚。溫。君。王。匹。馬。出。都。門。西。陵。空。自。宮。人。
泣。南。內。誰。招。帝。子。魂。最。是。秦。淮。古。渡。頭。傷。心。無。復。

媚香樓可憐。一片青溪水。猶向門前鳴咽流。

周目溪邀笛步七律云。步名邀笛漲春潮。有客今來聽玉簫。波裏月搖雙槳活。樓臺人占百花嬌。黃鶯紫燕新楊柳。紅闌青山舊板橋。昔日桓伊今不見。空留佳話重南朝。又桃葉渡詩云。渡頭此夕更喧闐。滿耳笙歌不夜天。青雀坊攢桃葉渡。紅兒詞唱柳屯田。煙花勝地原堪賞。風月良宵更可憐。殊逸少兒殊不善。美人難遇是良緣。

奚茜紅校書名翠娘居釣魚巷。壁間絕句云。絲管聲中欲暮天。闌燒爭水正喧闐。尋常一樣江城月。

看到秦淮分外圓。

彭湘南秦淮口占云。秦淮河畔亂沙汀。芳草彌生
六代青春去。雨中人不惜。杜鵑啼與落花聽。

李載溪秦淮夜泊云。輕搖畫槳泛清波。十二紅樓
帶醉過。縹緲香風。簾半捲。玉簫聲裏月明多。

陸調毓校書立秋前一日送汪雪峯歸里七律云。

勸歸常似鳥啁啾。一唱驪歌反淚流。怕問前期搔

白首。何堪後夜卽清秋。幾年歌管樓臺客。一夕風

濤艤舫。舟欲望征帆。惟頃刻江干。不敢暫回頭。

江夢亭於秀英席上送李菊園于役京江云。哀柳

虞初續志

卷十二

八

紅欄一片秋。迴廊曲折徑通幽。美人愛客連宵至。
攄燭同君永夜遊。綢席悲歌頻撫劍。霜林蕭颯欲
披裘。明朝燕子磯邊水。又送輕帆過潤州。
金陵夜市搆狹扇。一柄畫竹數竿空翠。欲滴題云。
幽篁千竿。綠幾重。輕煙淡雨。更空濛。倚兒嬾喜。情
閒事。問是情濃。見竹濃。末署秦淮女子。夢湘法管
夫人筆意。併題。余遍訪夢湘。無知者。不勝悵快。
汪立齋懋才秦淮口占云。晚風楊柳暮潮平。打槳
秦淮自在行。舊雨多疏。梁月冷。朝雲都散。夢魂清。
任添紅友。錦常債。怕占青樓。薄倖名人老。漸如僧。

人定。非關鶯燕太無情。

願將雙淚。啼爲雨。明日留君。不出城。余讀此詩。每

爲酸鼻。若某集中贈妓詩云。憑君莫拭相思淚。留

着明朝更送人。此煞風景語也。近見楊月媚校書

送別云。休將別淚共沾巾。歌舞叢中老大身。千樹

桃花同薄命。一年風景少。長春懸館孤。寂憑誰問。

但說相思莫當真。紅葉半江秋色好。未應愁絕是

征人。此詩愈曠達。愈覺淒惋。門外漢未易語此。

清秋氣爽。與高綺樓偶過吳小素楊玉香家。拈其

壁間佳句。學簡齋太史語。綺樓曰。不知夢裏因何。

事一笑嫣然。眼倦開此。不知得妙。畫檣停午。知何處。多在垂楊柳影中。此知得妙。夢回枕上。聞餘澤。知是花香。是粉香。此似知。非知得妙。

豫章楊亦山巒題余青溪風雨錄云。珠玉隨風咳。睡新柳枝。桃葉信精神。生花筆寫如花貌。並占千秋。不讓人呼之欲出。盡蛾眉露浣。舊薇讀艷詞。誰識前身紅豆。江南處處種。相思夢到秦淮最易醒。三生舊恨苦飄零。一池水皺千卿。甚眉影釵光。記得清綺。謔年來欲自刪。琵琶聲裏。淚痕乾。懶雲又逐秋風動。讀罷香奩入社難。

柳如是本事。澹心板橋雜記。極爲詳備。近見甌北
集中題柳如是小像足稱河東君知己。其詩云。女
假男粧訪名士。絳雲樓下一言契。美人肯嫁六十
翁。雖不鬚眉亦奇氣。妾膚雪白鬢雲烏。伴郎白鬢
烏。肌膚肯同搽粉稱虞侯。井陋持門勝丈夫。扁舟
同過京口泊。桴鼓金山事如昨。何代青樓無偉人。
可惜儂家貨主惡。早聞譙叟寫降箋。不遣朱游和
毒藥。妾勸郎死郎不謗。妾爲郎死可自慙。階公偏
享期頤壽。毛惜終高節。俠稱三尺青絲畢。命處尙
悲不死在金陵。畫圖今識東風面。果然絕代紅粧
真乃賣奴。

艷。誰。知。膩。粉。柔。脂。中。別。有。愛。民。心。一。片。君。不。見。同。
時。卞。玉。京。心。許。鹿。樵。事。未。成。旋。識。貴。人。爲。棄。婦。流。
離。含。淚。畫。闌。英。又。不。見。顧。眉。生。榮。華。曾。擅。橫。波。名。
當。其。夫。婦。從。賊。日。捧。泥。塗。面。逃。出。城。一。樣。平。康。好。
姿。首。青。青。終。讓。章。臺。柳。

辛未七月。大府有驅逐之令。院中諸姬。雲散風流。
張。素。琴。喜。林。輩。掛。帆。遠。去。李。雨。亭。寄。懷。二。絕。句。云。
苦。怨。鷓。鴒。命。不。齊。臨。風。難。覓。一。枝。棲。此。行。好。記。門。
前。柳。春。夢。歸。來。路。不。迷。一。帆。輕。逐。曉。風。行。楓。葉。蕭。
蕭。送。遠。旌。莫。怪。司。勳。真。薄。倖。陽。關。怕。聽。斷。腸。聲。

又贈張嘉林二絕句云雲鬟霧鬢態嫣然對影開
奩轉白博命薄如花春不管風光容易損流年偷
解瑤環意若何賺郎來覓好重過蓮心紅豆同函
裏誰識相思甚更多

袁簡齋太史集中多有秦淮之作予愛其與郭鳳
池侍講秦淮話舊四律茲錄其二首云富頭新月
墜纖纖十二年來吏隱兼人似孤鴻雲聚散詩如
老將律精嚴黃樓雨久秦淮濶紅藕花深畫舫添
料得憑欄定含睇六朝春在水精簾欲續鸞膠帶
雨聽風驂小住玉河亭家家短笛橫窗過日日長
暮力真志

眉隔水青深夜花明燈照影彫欄酒罷月當庭尋
春我有藍橋路且飲瓊漿再乞靈

望江魯雁門題馬湘蘭墓云葉飄難禁往來風未
肯輸懷向狡童畫到蘭心留素素死依僧院示空
空知音卓女情雖切薄倖王郎信未終一點情才
真意在青青竹節夕陽中絕世英雄寄女粧荆家
曾說十三娘年來文士動相擠始識伊人不可忘
零露似熏濃萱蔻百花想見繡衣裳平生除拜要
離塚到此才焚一瓣香相傳江寧南城外瑞相院
後叢竹中爲馬湘蘭墓嚴冬友侍讀又以爲新安

貞女某氏之塚。陳楚鈞作詩以証其諱。是耶非耶。吾安能起冢中人而問之。

府東廊有寄賣馬湘蘭畫冊。並自題墨蘭云。何處風來氣似蘭。簾前小立耐春寒。囊空難向街頭買。自寫幽香紙上看。偶然拈筆寫幽姿。付與何人解護持。一到移根須自惜。出山難比在山時。又斷崖倒垂蘭云。絕壁懸崖噴異香。垂涎空惹路人忙。若非位置高千仞。難免朱門伴晚粧。又一葉蘭云。一葉幽蘭一箭花。孤單誰惜在天涯。自從寫入銀箋裏。不怕風寒雨又斜。四詩皆有寄托。或云湘蘭不

能詩疑好事者所爲予錄其詩而還其書

枕雲椒倚卽秦淮五日云萼蒲綠映石榴紅罌盞
東西放幾叢不辨誰家粧閣裏遠山多在畫屏中
欄十影裏綺疏橫艾酒齊酣笑語迎樓上風衣樓
下水一簾香霧不分明丹笏風威佛幡如扇影參
差漾碧虛一片湖光星萬點家家水閣上燈初柳
陰檻外泊船頭都向樽前聽短謳却到中流清景
好蔣王山上月如鉤

陸昭霞吳藕香長於象棋對局清宵曾不知參橫
月落余與顏金臺伍紫瑛偶過其室見其對奕不

休態有餘妍。金臺爲賦七律云。滿欄花氣夜逾清。
雙美簾前倚一枰。兩陣並圓如對壘。單騎直入不
俱生。黛眉橫處饒奇計。玉手停時運甲兵。局罷相
看齊拊掌。侍兒都唱凱歌聲。紫瑛步韻云。坐間玉
潔與冰清。客至歡迎不斂枰。背水眾軍疑險絕。凭
城一將又逢生。欲擒虎子思投穴。解事狸奴勸罷
兵。未許旁觀忝勝負。漏聲聽罷更雞聲。

吳松亭秦淮夜泊云。難遣秋宵遠別情。半堤柳影
半河星。誰家倚檻橫吹笛。盡訴鄉愁與客聽。

余與程達人屢訪陸綺琴不遇。復於七月十四夜

過其室與訂隔夕重來達人題其壁云幾度來游
一晤難相期三五共盤桓如娥未許輕相見要待
水輪滿處看

高寶樹題吳馥林校書小照云雲鬢霧鬟劇堪憐
小到鶯花十九年位置恰宜清淨地閉門調鶴想
當然

通州某秀才少年貌美其佃戶有女悅之竟以成
疾臨卒謂其父曰吾爲某秀才死也吾思嫁某自
念門戶寒微事必不就今雖死爲兒致此意則目
瞑矣其父告某某往視而氣已絕戊午鄉試遇女

子於淮清橋宛然如生。入闌夜卧。夢簾前爐沸。驚
醒起。視見女子親爲執役。笑而無語。試畢。題七律
於奏淮旅寓云。勞勞水驛。又山程。橋畔相逢帶笑
迎。路遠尙然同政。涉情深。原不隔。幽明。風清棘院
魂都冷。爐沸油簾。夢更驚。自揣唱隨誰得似。三條
燭。下話三生。是科某領鄉薦。爲設位以祭之。

商寶意先生於龍潭旅壁見秦淮偶興四絕。後書
桂堂二字。逢人輒誦。終不知爲誰題。其詩云。淡黃
楊柳曉啼鴉。絲雨溫香濕落花。應有鯽魚吹雪上
水邊亭。予正琵琶水榭。相簾特地。清朝煙上與曲。

欄平舊時紅豆拋殘處。只恐風吹子。又生籬門過。
雨絲煙鋪檀板金樽俗。有無小艇已將煙月去。人。
間空說女兒湖。鱗鱗碧瓦照春萊。曾井背聲鳥語。
哀第一林泉。誰省得數枝猶發舊宮槐。

陸若玉校書性耽幽寂。春蘭秋菊手自栽培。尤善。
養水仙花。開特盛。余見其壁間有雲林卅六峯樵。
疊賞水仙詩。蓋丙子丁丑戊寅所作。其丙子四律。
云。翠袖黃冠冷艷奢。美人名士讓清華。檀心未敢。
沾膏露。玉佩遙看出絳紗。夜月鵲簾微有影。東風。
回馭卽辭家。憐卿相伴無多日。淨几雕欄養嫩芽。

凌波羅襪了無塵。占盡江南別樣春。淡泊自甘風
骨秀。鉛華不事玉容真。冰綃一桁圍姑射。雲水千
鄉伴洛神。冷趣幽香誰共賞。年年繡閣度芳辰。夢
入瑤池雅淡粧。曼姿合坐水晶床。似沽月姊三分
白。肯遜梅兄一段香。金盞不堪承玉液。銀臺猶自
怯元霜。蝦鬚八尺留芳久。痴蝶狂蜂未許忙。白壁
黃琬細碾成。丰神迥異晉人情。不因春困嬌無力。
爲學詩狂瘦有情。檻外繁霜懷舊恨。窗前旭日解
朝醒。曇華一現還歸去。嬾伴塵緣過一生。丁丑四
律云。捲帳奇香逐曉風。鋪堂人到覓仙踪。年年瘦

骨。蕉。衫。重。夜。夜。溫。情。古。帳。濃。一。白。清。芬。初。照。眼。何。
來。塵。俗。更。沾。胃。商。量。詩。句。經。年。後。閨。苑。歸。來。許。再。
逢。一。歲。花。開。一。度。妍。妙。明。水。淺。靜。娟。娟。錦。帷。深。閉。
繁。霜。夜。玉。鬟。低。垂。暮。雨。天。含。笑。人。簾。呼。小。玉。多。情。
解。語。認。非。煙。山。礬。未。許。稱。難。弟。豪。放。溫。柔。各。迥。然。
愁。倚。幽。窗。興。欲。狂。輕。盈。體。態。試。新。粧。何。當。金。盞。銀。
臺。宴。更。熱。龍。涎。鳳。腦。香。相。伴。琴。樽。都。靜。雅。撲。來。眉。
宇。自。清。揚。無。言。有。恨。緣。何。事。天。女。維。摩。快。散。場。逢。
君。逆。旅。眼。偏。明。怕。唱。驪。歌。淚。濕。纓。風。信。催。教。香。漸。
淡。楊。烘。和。得。難。成。如。聞。玉。佩。迫。看。影。爲。解。春。愁。

暗繫情。記得蕊珠宮裏。付出山還想在山。清戊寅
四律云。洛浦精神迥不同。詞人長伴一春中。止緣
花亦憐狂客。豈爲詩能奪化工。暗室香飄疑解佩。
隔簾影動怯迴風。錦屏翠袖和煙冷。一片檀心靜
裏通。豈緣珍重怕追歡。脈脈哀情欲訴難。曩日芳
心含未吐。幾人青眼早來看。環肥未許窺璇室。燕
瘦分明倚畫欄。碧玉孤高空自惜。清泉照影不勝
寒。驚喜水姿細細開。香遣韓壽本憐才。引將日影
烘嬌面。逼出風情破玉腮。淡掃蛾眉朝紫禁。濃熏
豆蔻立瑤臺。主人愛讀羣芳譜。惜煖禁寒手自裁。

不依籬落爰華堂。盆蕙瓶梅結契長。西子院時原。
近水太真浴罷自生香。霜侵鴉背來何暮。雨濕鶯。
聲去莫忙。銀燭畫堂今夜客。美人芳草鎖柔腸。
又晚松齋主人水月軒宴賞水仙詩云。珊珊環珮。
下瑤臺。玉質金相費剪裁。南國夜寒同錦帳。東皇。
日暖孕珠胎。果然近水花先發。不怕偷香客。又來。
自界烏絲同作賦。宓妃獨愛魏王才。

尤西堂泛舟秦淮感舊云。一篙春水綠平橋。蘭艇。
相將逐暮潮。河。畔。柳。枝。新。繫。馬。渡。頭。桃。葉。舊。次。簫。
六朝金粉愁煙沒。二月鶯花苦雨銷。憑杖酒樽能。

送客未容問答老漁樵。又臨江仙詞云十四樓前
歌舞地。珠簾畫障神仙。月明花底弄紅弦。無雙桃
葉曲。最小莫愁年。戰鼓催殘金粉盡。空尋墜烏遣
鈿。香銷南國憶嬋娟。東風芳草綠。裙帶我猶憐。
江曙亭雨後招吳玉香校書小集。月波榭云秋霖
夕霽。暝煙催新試。輕羅稱體裁。簾外燕拖殘雨入。
意中人愛晚涼來。凭欄雪藕停絺扇。隔座春葱送
酒杯。六尺桃笙清似水。今宵好夢近宮槐。
儀徵張曰恒題江令宅。云南都多舊第。江令最知
名。長板雙橋合。青溪一水迎。仙臺迴騎杳高樹。免

鴉鳴悵望城東路年年春草生

秋日過馮金鳳粧次適值病起亂頭粗服丰韻獨
佳壁間周可中絕句云身如梧葉怕經秋清恙閒
愁雨未膠爲道冷風禁不得湘簾催下好梳頭
黃竹山寄題秦淮酒樓云青溪小住一春勞帘影
低垂綠樹高廿四風催花爛熳十千酒醉客粗豪
銀屏紅燭歌金縷錦帳烏雲墜玉搔贏得詩成題
憶昔烏絲界就急揮毫

李佩雲校書粧次懸子野自書千秋歲引云小巷
清砧簷前鐵馬併入簾櫳助蕭索哀鳴雁說遼陽

事驚棲鵲話黃姑。約夢回時酒醒了。燈花落一半。
是他將意縛一半。是儂將情薄。總是溫柔鄉路惡。
當初想到而今好。而今悔不當初莫。十年心。十年
事。銷唇却按子野天啟時人。其詞其字。越二百餘
年。爲佩雲得之。亦有夙因耶。子野有懷名妓王修
薇一闕。佩雲或其後身乎。

李嘯村薙青溪口占云。粉墻紅掃落花塵。一帶樓
臺樹影昏。雨細風斜簾未捲。縱無人在亦消魂。
脩鷹巢定志工詩。著有竹香樓稿。丙寅六月。許香
巖太史招集西樓。時夏蘭敷花。因作西樓篇云。崔

魏石頭城。澹蕩秦淮水。淮水繞城流。西樓矗雲起。
不厭野人過。終日清樽醺。纖歌遏白雲。華月出高
梓。誰操清冷香。猗蘭殊不以。按西樓卽西樓記中。
穆素徽所居之舊址也。香巖太史葺其地而新之。
樓俯秦淮。清流照影。十載寓公遊屐頗盛。今許公
已歸道山。樓臺易主。殊深今昔之感。

秋聲在樹。黃葉敲門。寓齋殊覺岑寂。適李懶仙枉
過。詢其近狀。因述中秋前夜偶過高秀英水閣。見
其獨坐無聊。情多悵快。歸途口占七律云。坐對清
秋。獨倚欄。當頭涼月小於丸。恰逢薄醉愁如新。更

愛微蟾。秀可登。夜靜迎風聽葉落。堂空對影抱箏。
彈花香茗。婉消殘。暗解羅裙帶。又寬。

釋棲碧同談念堂吳月樵諸公青溪野飲云。橋畔
一帘動。相招酒伴過。人同詩思淡。秋在夕陽多。江
令前朝宅。桓郎何處歌。莫忘今夜月。曾照醉顏酡。
馬搦村秦淮詩云。南國繁華地。西流歌舞場。千秋
聚佳麗。幾度閱興亡。時雨催新漲。游人買畫航。六
橋排雁齒。九曲轉羊腸。掩映珠簾捲。參差蘭棹忙。
浪花晴噴雪。粉陣畫飛香。灑笛吳童秀。徵歌楚客
狂。白頭多逆旅。弱冠半膏粱。樓榭千家麝。煙花十

里長鍾山嵐影紫泮水夕陽黃比戶筵初設連艫
燈盡張星槎橫燦爛火樹發輝煌酒氣疑騰霧波
聲訝沸湯直如居不夜何異泛銀潢煩惱歸何處
溫柔老是鄉多情皆村牧絕色總秋娘腰細勝垂
柳喉嬌賽鼓簧瓊簫音斷續金縷曲低昂鴻雁原
知別鴛鴦豈論行揚州春夢醒巫峽莫山若渡口
尋桃葉祠邊拜女郎醉歸蓬帶日感舊袂生涼王
氣黃金盡嬌歌玉樹荒年年憐後主世世笑秦皇
懷遠許叔翹秦淮雜詩云壁月沈沈玉樹枯吳娘
曾此繫明珠文章祇續鶯花命天限三年嫁小姑

丁字簾西舊水亭。玉兒低首幘雙星。何當解脫玲瓏骨。蓬首焚香夜誦經。謂謝零落旗亭。謝小鬟去。
年相遇在邯鄲。馮金琵琶一曲。江州淚月缺珠沉。指繇
好夢難詩人老去。尙鶯鶯張藉秋風。少宦情。秋
南屋又蘭。馬又蘭居東小玉謝小玉住。批紅抹白。秋
拜門生。按詩中所謂吟秋。又蘭者名重一時。今皆
退爲房老。若金寶小玉。杳不知其所之矣。美人名
士同茲浩歎。此司馬青衫所由濕也。
司馬溫公曰。婦者家之所由盛衰也。苟慕其富貴
而娶之。鮮不挾富貴而輕其夫。傲其舅姑者。養成

嬌。妬。患。有。極。乎。予。思。富。貴。之。女。尚。不。宜。娶。近。乃。有。
購。院。中。姬。爲。造。室。者。其。流。弊。可。勝。言。乎。劉。葛。莊。句。
云。閒。花。止。好。閒。中。看。一。折。歸。來。便。不。香。又。郭。止。齋。
贈。友。人。娶。妾。詩。云。照。眼。瓊。英。似。好。看。殷。勤。移。種。入。
雕。欄。幾。曾。荆。棘。成。連。理。錯。認。忘。憂。是。合。歡。國。色。天。
香。雖。共。賞。土。階。茅。茨。可。相。安。誰。人。解。得。逋。仙。趣。抱。
着。梅。花。耐。歲。寒。玩。其。語。意。可。以。醒。世。矣。

江。成。齋。志。和。春。日。尋。楊。香。輪。舊。宅。云。愁。來。不。解。酒。
腸。寬。看。到。鶯。花。興。又。闌。屐。齒。苔。青。沾。宿。雨。裙。腰。草。
綠。帶。春。寒。吟。殘。舊。句。懷。人。苦。尋。遍。遣。蹤。欲。見。難。記。

得綠窗紅影裏。巧啁惜煖。勸加餐。

院中雛姬。非親養者。約束甚嚴。選曲教歌。無虛日。惟張琬蘭其假母。鍾愛特甚。任其嬉。瘦常於春間。邀同輩年相若者。角技。余與荆瘦。桐過其室。見其色藝俱佳。調笑無忌。亦一時韻事。瘦桐爲賦詩云。一春難得暢幽懷。爲愛風光綺席排。鵲腦篆濃浮睡鴨。鳳頭苔破印弓鞋。花因客好香全吐。月愛歌清影上階。問道廣寒人罕到。霓裳今夜近清淮。

瓊蘭十歲時。卽爲雲林山人所賞。代選輕舫。邀遊何上山。人別倚危欄。看其蕩舟來往。併記二絕云。

星眸慵展趁朝涼。不慣晨興嬾下床。報道畫船簾
外等熏衣理髮。一時忙。小鬟初上木蘭橈。暗數誰
家好畫樓。忽聽欄邊呼小字。佯羞障面不回頭。
長沙王梧桐。青鳳年七十。重過秦淮。輕舟泛月髦而
多情憶及老友蔡止山。王瓊圃。張守軒輩。均歸道
山。卽曩日之二湯與郭玉娘等。亦無從問訊。不勝
歎歎。其居停元寶官爲余絮及並出其留題二律。
云。狂奴故態怕重提。再過青溪日又西。畫舫綠波
雙槳活。雕欄紅影一般齊。髻因新浴花都滿。酒到
微酣曲慚低。照眼繁華今視昔。世年春夢已全迷。

無端幽恨上眉彎。破涕真難引笑顏。良文停雲栖
碧章。美人行雨傍青山。偶來北里聽歌後。似過西
州。忍淚還誰與。招魂花月夜。斷腸鶯語。尙閑閑。
周蓮亭爲余誦曰。決意不留情。太忍。幽腸相送我。
原。痴此院中女子。送春詩也。君知其人乎。又焦漱
芳。簷頭錄近作云。家傍青谿舊釣磯。凭欄遠眺意
遲遲。水紋圓處魚爭餌。花影斜時鳥度枝。芍藥開
殘春意懶。杜鵑啼徹客魂痴。江南三月東風暖。吹
到閒愁兩鬢知。余久客白門。竟不識此兩人。如相
馬者之失千里駒。殊可愧也。因自誦一律云。天台

尋遍失雲英。枉說仙山頂上行。門掩梨花誰識面。
詩吟柳絮始知名。錦心繡口生來艷。玉磬金鈴別
樣清。不信雙柑春雨後。深林尙有好啼鶯。
汪。粟田豐。秦淮泛舟云。水闊初收綠。潏潏路入仙
源好。間津絲管。一般烟外月。樓臺十里鏡中人。綺
羅香浣薔薇露。琥珀光瑤竹葉春。午夜燈光星影
亂。居然此地隔紅塵。

金陵莊元爨無題云。髻雲撩亂不曾梳。先向池邊
飼碧魚。露滴翠荷擎不定。戲分小妹當珍珠。杜鵑
震卽事贈張院蘭云。捲簾偷看步潛移。鳳子花前

晒粉衣欲撲。幾回還住手。憐他欸欸是雙飛。二詩俱寫出女兒情態。真白猫高手也。

宋人詩云。吩咐花香。莫過牆隔牆。人正繡鴛鴦。聞香定要停針線。繡不成雙。不寄將近人。王芷堂贈秀英校書刺繡云。畫長先把睡魔降。學繡鴛鴦坐綺窗。惟恐意慵針指嬾。累他幾日不成雙。此與前二絕異曲同工。令人百讀不厭。

賴補菴維勤重過白下。由水關入城。口號云。鴝爪重來記雪泥。十年幽夢落青溪。近人紫燕從容語。識面黃鶯不住啼。楊柳三眠春意倦。烟嵐一角黛

痕低落花流水仙源近返棹漁郎路不迷

雪後邀黃栗夫坐工蘭官河亭捲簾閒眺冷艷逼人蘭官回若此際弄絲竹一聲必異尋常清脆其妹朝霞卽起厭笛吹小桃紅一曲真不啻黍谷春回也栗大賦詩云當年玉樹未曾凋風景猶疑近六朝一桁青布搖屋角幾人鶴氅過溪橋冷如強敵真難避雪似寒愁不易消惟有紅兒差解意獸爐圍住自吹簫又曹元寵母王氏雪中觀妓云恰似春風三月半楊花飛處牡丹開真摹寫入神錢唐袁薌亭同吳次侯先生晚泛秦惟絕句云兩

岸紅燈射碧波一枝蘭漿蕩銀河捲簾都有闌干
影只覺高樓月更多夜半人歸露滿天一重簾影
一重烟東風吹起長堤柳盡捲笙歌上畫船
青陽陳梅緣蔚秦淮旅邸五古云客舍傍清淮日
暮窗扉做讀罷掩殘書憑欄看月上淡影浩無涯
空水相摩盪盈盈酒在壺此際同誰賞之子期不
來結念幾神待須臾小夢中喜叩門環響
韓伯起題周曼陀校書熏香獨坐圖云不用痴心
看畫中水晶簾下記相逢果然一縷沉檀氣熏透
羅衣入內重

錢唐厲太鴻鵠尋秦淮舊院遺址調寄柳營曲云
支瘦筇訪城東板橋夕陽依舊紅名工詞工狎客
歌終醉卧錦臨叢閒愁埋向其中溫柔老卻吳儂
杳銷南國盡花落後庭空風吹夢去無踪

又題顧橫波畫蘭筵頭小桃紅詞云秦淮不見翠
蛾顰眉扇香痕潤往事眉桡有誰聞墨花看靈均
舊怨都銷盡南朝艷粉才人風韻題咏到湘裙自
註龔宗伯有題畫蘭裙子如夢令爲橫波作

院中七夕家家乞巧江夢亭爲梅巧齡賦詩云清
秋庭院拜星瓜果罇罍列幾層細語未聞聞笑

語他生不祝祝。今生銀河搖漾疑無路。烏鵲辛勤
最有情。自昔雲中雞犬盛。五更愁聽一聲聲。
厲影憐校書。得蕭仁叔邦上來書。語多未解問字
於陳敬吾。敬吾卽其語意題後一律云。憔悴於今
已細諳。慙慙春雨病江南。離愁無別書。何益夢境
雖佳醒不堪。尺素由來多舊恨。老生藉此作常談。
何時笑語舉簾入。展盡攢眉爲解驂。

江寧顧與治先生同杜于皇飲眺孔省庵五律云。
橋想佳人倚園思。公子爲猶餘夕陽。好空照柳絲
垂流水。無情去。春風著意吹。暗將吾鬢換君少。亦

生悲自註孔雀菴左爲馬相蘭故居右爲徐府東園今皆廢爲野圃蔬畦正所謂荒園一種瓢兒菜占盡秦淮舊日春也

夏培叔秦淮夏集云傍晚紛紛載酒卮有爭芭處過船遲一河風月無人管都付橋南楊柳枝

丹徒孔竹輿秦淮雜咏云琉璃一井侵長空倒映餘霞漾斷紅幾曲平橋數株柳畫船搖過太多匆丁字簾前月一鉤羅衣初試恰新秋晚來水調臨風起隔岸誰家並倚樓又溧陽朱漁山辰秦淮絕句云嗚咽秦淮日夜流薺花楚葉滿荒邱南朝江

令無人問寒食年年拜蔣侯

溧陽彭爰琴賦舊院行爲閨客奄題姜姬畫蘭云

素箋小幅懸秋樹陣陣香風吹欲下誰移九畹一

枝蘭年年花葉無凋謝並頭花影不含顰幾葉蕭

疏淡出塵裝染可憐傳妙手寫來烟雨却如真如

真卽名姜其氏風流應擅長千里自書甲戌上元

前爲贈翩翩蔡公子公子才華宗伯家南國徵歌

遍狹斜蔡爲鶴江雲問莫生好詞藻坐看點深紫

莖花如自題時莫生雲卿莫生蔡子百年後如見

幽蘭親寫就只無最恨石頭城多時芳草埋香鑪

我曾十度過秦淮。無處顏垣覓斷釵。何緣世上逢金盃。空向毫端賦錦鞵。笑儂家。本金陵地。不知舊院多遺事。舊院歌樓三百春。風月鶯花難盡記。記得城南淮水傍。善和坊對大功坊。文德橋頭近南巷。鷺峯寺側轉西廊。西廊南巷皆香陌。踏成滿路胭脂迹。青樓到處可停車。朱戶誰家不留客。客來江上盡王孫。一望平康卽斷魂。樹迴楊柳多繁馬。花發枇杷故掩門。門裏欄干十二曲。誇兒三五新粧束。自言好女卻姓秦。預料小名多字玉。玉女珠娘未出來。簾內嗔教阿母催。昨日遊人認錦瑟。今

晨聞客下梳臺臺前卻扇歌宛轉微頰酡壓桃花
淺藍尾酒傾燈下歡紅笙汗透宵分唱歌舞相尋
暮復朝容易纏頭百萬消方矜玉釧光同曉更索
羅裙色稱腰當時紅板橋邊路絡繹香與織烟霧
只聽日日弄銀箏盡說家家擁錢樹錢樹移來金
穴邊豪華巨賈紛少年多邀狎客賁杯尊又買新
姬教管絃滿城絃管風吹散萬紫千紅齊爛漫最
先一本鳳尾蘭紅錦十端還不換采蘭時上木蘭
舟蓮花開日向西洲不論重陽與寒食名流爭約
同遨遊來遊靈谷看梅早又踏雨花臺畔草烏龍

潭上漿伊啞。桃葉渡前歌。懊惱懊惱。於今奈若何。

正嘉前事已多訛。趙家供奉無人說。武皇時趙燕如善音律。徵

人供但說湘蘭勝蹟多。神廟時金陵院中。湘蘭昔以馬湘蘭為第一。

住青樓上幾架吟。詩樓自創只有王生得入來。搬

蘭寫竹常相向。湘蘭與王聞道王生愧不如江南

才子盡曳裾。漫教自鳳誇詞客。還向碧鷄尋校書。

此時舊院真繁盛。五侯七貴爭相聘。每將上座遜

紅裙。不許庸奴窺翠鏡。北里齊名趙彩姬。後來朱

鄭亦稱奇。朱無瑕字泰玉。鄭象管鸞笙。歌夜夜燕

釵鳳。幘舞時時便房曲。館常迷戀技巧兼。呈小目。

眩。或。能。過。鼓。聲。如。雷。或。能。投。壺。光。若。電。或。能。彈。碁。
拂。手。巾。或。能。操。琴。聽。游。鱗。更。有。吳。門。薛。素。素。彈。丸。
走。馬。翻。身。顧。院。素。素。吳。娘。佳。舊。於。中。絕。技。何。者。無。尤。
競。新。詩。吟。初。絮。詩。能。吟。絮。畫。能。蘭。濕。霧。輕。烟。墨。落。
殘。黃。金。買。賦。猶。爲。易。紅。葉。題。詩。始。信。難。舊。院。當。年。
推。領。袖。錦。江。莫。出。湘。君。右。屈。指。姜。姬。正。並。時。如。真。
豈。在。守。真。後。姜。名。如。真。彩。雲。化。云。百。年。中。舊。院。樓。
臺。修。已。空。忍。教。回。首。靡。蕪。徑。莫。結。同。心。松。相。叢。四。
陵。松。柏。何。從。問。朱。往。烏。衣。悲。一。瞬。落。花。連。聽。鷓。鴒。
啼。橫。塘。久。散。鴛。鴦。陣。非。徒。舊。院。劇。傷。心。向。日。離。亭。

不可尋白髮。亂餘亡改老。羣鈿銷後絕。知音二十
年來江上宿。那堪玉樹今翻續。燕子斜陽晚自紅。
臺城荒草秋還綠。我從舊院路傍過。何從彷彿遇
凌波。土花縱處沉釵股。瓦甕沾時拭黛螺。院內於
今惟菜圃。翻看紙上留蘭譜。一代美人香草魂。可
憐都被君收取。蘭葉蘭花有幾莖。如君翻作舊院
行。忽教往恨成新恨。應化無情作有情。

白下歌姬有披荆於陽羨山中。名妙音尼者。金壇
王次回彥泓贈七律云。散朗高情迥不羣。翠鬟判
得一綢雲釵。鈿脫奉崩檐。座羅綺。裁裝具葉文。茗

蕊近添禪悅。味舞衫新換。戒香熏潮音。梵唱聲清。
妙舊曲。如今不耐聞。又代答一律云。淨却情根淨。
髮根笑看刀下翠。紛紛辭家偶。爾來青嶂喜客猶。
能贈白雲。世上合離沙鳥迹。面前啼笑水風紋。春
心久作寒灰死。艷曲何妨一再聞。

黃秋齡鈺卽席贈鳳珠金縷曲詞云。驀地相逢驟。
劇堪憐。梨窩暈淺。柳絲腰瘦。恰好芳齡才二八。情
態乍諳時候。更倦似。懨懨帶酒。星眼欲飛眉欲語。
問三生福分。何人厚。才與貌堪居。首半酣。小立銀
燈後。最銷魂。歌喉婉轉。暗拋紅豆。月更分明人更

媚翠黛。許多顰。細愁。指大不堪消受。典盡征裘花
裏醉。愛酒痕紅上芙蓉。肉擎玉笋。纖纖手。
孫吟秋。秦淮題壁云。桃花流水。木蘭舟。丁字簾前
訪舊遊。不見玉人空。悵望綠楊吹絮下。朱樓。
岸。奄未詳。姓氏。秦淮竹枝詞十首云。開到桃花春
水多。青溪九曲半笙歌。西關三月隨潮啟。遍放遊
舫。泊內河。一年景物一番新。銷盡黃金爲買春。水
卧鴛鴦風舞蝶。花多解語柳含顰。花天酒海任流
連。風景移人太放顛。千道燭龍浮水面。家家簾捲
看燈船。雨後潮生景更殊。紅欄綠水兩平鋪。登樓

不用危梯引。好是纈纈玉手扶。綠柳陰陰絕。驛塵。
憑欄恰露好腰身。此時我亦知魚樂。看見波心有。
美人晚粧不藉麝蘭熏。十二湘簾捲。夕暝。照影似。
嫌殊。翠斜簪茉莉壓烏雲。晚卸船篷古渡頭。迎。
潮雙槳捷如鷗。三更風露侵羅袖。便覺涼生六月。
秋。夕陽影裏放輕舸。風解迎人月。又邀自製新聲。
歌。水調隔簾誰和。一枝簫瑟。聲裏能留客。鸚鵡。
籠中解喚郎。委地青絲慵不挽。女兒多愛學男粧。
年來霜雪滿。吟髭漸。愧風前唱竹枝。紅豆好拋于。
萬粒。沿河處處種相思。

方子雲秦淮水榭夜坐云。曲曲欄干繡幙垂。檐光
水氣動。輕颺羅衣涼。得人無奈。猶爲簫聲立。少時
皇甫古尊在金陵市上。得金字扇一柄。乃前朝名
妓徐翩翩所書。扇尾署名曰金陵蕩子婦某古尊
喜甚。求題於厲太鴻先生。得賣花聲一闕云。花月
秣陵秋。十四粧樓。青溪迴抱板橋頭。舊日徐娘無
覓處。芳草生愁。金粉一時休。團扇誰留。痴人只有
小銀鈎。句尾可憐書蕩婦。似訴漂流。按翩翩字驚
鴻。能詩有俠骨。送長洲顧太學詩云。一日發江口。
五。日。下。長。洲。可。惜。送。君。淚。不。隨。江。水。流。又。周。暉。聞。

友人誦其紅佛當年事。青樓此日心之句。周笑曰。徐姬已辦走路矣。後果嫁江陰郁文叔。文叔死。復還秣陵。削髮爲尼。居簾子營小庵中。

玉竹軒題場韻香村閣云。夜深香霏月當欄。簾捲西風水一灣。怪底畫眉初樣好。開牕日日對鍾山。態蕨泉觀察學驥秦淮雜咏云。秦淮三月畫簾開。便有游人打槳來。燕子不歸春又暮。幾家問煞好樓臺。笑語勾留畫舫停。紅粧綠髮影娉婷。簾前燈應樓頭月十里。家人一畫屏。

按齊武帝於興光樓上施青漆。謂之青樓。是青樓。

乃帝王之居曹植詩青樓臨大路賈王詩大道
青樓十二重皆言其華也梁劉邈詩倡女不勝愁
結束下青樓此稱妓居之始今則直以青樓爲妓
館矣近邵介甫湘宴集秦淮水閣有懷張菊如集
青華詩云絲竹聲中雜醉醒不堪旅館又離亭鬢
從各路無多綠樓傍垂楊俗外青越水吳山懷舊
雨鸞飄鳳泊感晨星明朝又撥中江棹出岫雲難
片刻停

貢院前元寶官教習小部清音余愛其雛伶胡長
生邀陪鄭僧如胡云明辰卽返蘇州鄭愛其纖弱

柔媚書秋扇以贈云。識面因何卽別離。無多綢繆
亦相忍。天涯處處催人去。自笑前身是子規。
林初文章送客詩云。不待東風不待潮。渡江十里
九停橈。未知今夜秦淮水。送到揚州第幾橋。
李補亭過王桂娘舊宅云。門前逝水感年華。牡蠣
塼高柳半遮。蝴蝶一生身入夢。杜鵑三月血如花。
人經舊地東風冷。簾捲空庭落日斜。怕看傷心雙
燕子。重來還認是王家。

立菴先生歸林數載。偶游秦淮。口占七律云。板橋
春浪恰容篙。撿點茶爐上小舸。魚到河梁欣脫網。

鷹盤霄漢久除條。名心似水由來淡。詩品如棋德
不高。惟有狂奴狂未減。銀瓶索酒尙粗豪。

辛巳冬天寒特甚。余與江夢亭周蘭軒過趙五福

粧次。夢亭戲曰。含笑問娘曾記得。今年寒比去年

寒。可爲今日誦也。五福又曰。今歲立春在上年臘

月。明年立春又在正月半。兩頭無春。其冬多冷。夢

亭卽其語意。口占云。風滿簾旌雪滿天。美人呵凍

撥爐烟。嚴寒凜冽非無意。不許江春人舊年。

張素琴去後。其女花子尙留曲中。自嫌名不雅馴。

請易別字。友人高寄生向識素琴。今復見花子之

纖艷因笑曰爾名佳甚余爲爾咏之口占一律云
門巷重尋路欲迷江湖閒夢最相思華堂簫管春
如海驛使風霜鬢已絲猶記名花留艷子果然瓊
樹有新枝東皇歲歲催芳信茵洞何曾爲主持
賴吉人舟泊北河口寄陸綺琴校書云涼夜風寒
倚枕樓空江瑟瑟起閒愁嬋娟覓伴推雲出鷗鷺
貪眠逐浪流蘆荻洲邊添酒戶琵琶聲裏老江州
多情惟有長堤柳萬縷千條挽客舟至吳城復
寄狐裘並附一絕云一襲輕裘寄已遲寒先衣到
我心知秋來鴻雁回頭少腸斷燈前暗卜時

虞初續志

卷十二

三

馬星園青溪曲二首云清暉照床幃坐唱同心曲
月尚依儂懷郎去一何促郎去妾心去郎歸妾心
歸試看雙蝴蝶不肯學單飛又月波耐蚤起二絕
云隔牕花氣冷侵衾十二銀屏取次添春睡正酣
人未起梁間紫燕喚鉤簾幽蘭繞砌綠雲團青到
簾衣露未乾白笑近來花樣瘦凭欄春曉怯春寒
又過許香巖西樓云連宵風雨如花枝畫出春光
欲去時一樹海棠開過了主人笑語客來遲
燕城過客未悉其名氏贈張大家月香女史十絕
余愛其示首云吟成一字九迴腸除却溫柔不是

鄉但願他生齊化土和泥燒瓦作鴛鴦

劉月川孝廉招邀于遜夫王芝亭馬夢溪小集月
波榭五律一首云樓傍舊青溪清樽對夕暉偶然
簾半捲忽見燕雙歸天容名士聚春怕好花稀何
處吹長笛坐久客忘機

雛姬花子卽風雨錄中之張婉蘭其養母珍重特
甚余亦深爲愛惜周蘭莊笑謂予曰爾兩人同一
愛而不同所以愛因身占七絕云蜂貪釀蜜蝶貪
香得得花間盡日忙同是愛花心一片兩般情性
費商量越日王香亭廣其意作四韻云名花多解

語訴盡是和。非蝶爲尋香。至峰如入市。歸春葩紅。
艷艷秋卉。淡依依。但到將殘候。蜂嫌蝶亦稀。
劉金堂澄贈吳福真校書移居云。金屋裝成錦作。
圍舊時梁燕。尙依依。以從楚館。營新壘。愁到秋深。
不肯歸。

胡鳳巢尉浪游吳楚。嘉慶己巳寄寓秦淮。予至而。
鳳巢已先往揚州。見其畱齋留題七律云。落拓天。
涯是棄林。荆扉常掩長莓苔。人同鴉影聯還散。心。
似爐烟熱亦灰。夜半清歌隨月落。秋深紅葉上樓。
來。此時獨坐凭欄客。一片鄉愁掃不開。

馬柳村激箭步懷古云桃葉渡頭採芳杜斜陽半
繫垂楊樹風流遺跡望中迷一灣水逝無今古想
見南朝愛竹人岸邊聽笛橫烟擄桓伊三弄去無
言梅花亂落青溪雨又題陸綺琴校書畫蘭贈周
了緣云想像櫻唇暈墨妍數枝寫贈帶湘煙美人
情性天生妬未許周郎獨愛蓮又秦淮竹枝詞云
驚醒烏雲夢裏仙一聲花賣又陽天晚粧未罷郎
來接捲起珠簾上畫船閒倚欄干繡閣開蘭橈無
數爲儂迴願君莫學西流水紈扇捐時潮不來攜
歌童泛舟秦淮云笙和笛響入青冥雲縱無心也

暫停一曲歌喉珠一患美人妬殺倚樓聽

釋樓碧是岸著有花笑軒藁其題春江燕子樓主

人秦淮雜詩云雨雨風風落盡花幾株疏柳夜啼

鴉多情最是秦淮客如此淒涼不憶家

江寧談念堂承基著有石禪精舍稿秦淮新柳云

東風吹面軟嫋嫋柳條新又作銷魂色來看打槳

人朝煙低遠水舞雪換前參眉樣誰相似粧樓爲

寫神又青溪曲四首云澄碧波環薜荔門城陰風

景似江村憐他垂柳支離甚不畫眉痕畫水痕鍾

阜浮嵐半有無古祠遺址荒蕪白蘋紫荇參差

影自捲餘馨。醉小姑。翻銀闌口。瀉濤聲。雨過波紋。
一夜生飛鷺。欲眠遊舫去。晚潮鳴咽。打臺城。詞客
臨流。酒醒鷄鳴埭。下一舟停。渾身疊雪。香羅軟。
靜聽風搖九子鈴。又秦淮。曲二首云。潮起歌情濃。
潮落歡不見。如何載歡船。却喚雙飛燕。灌田引潮
去。開閘放潮入。閘前簫鼓喧。田中桔槔意。怡園酒
樓壁間絕句云。他鄉難仗酒。消愁離畔黃花恰暮
秋。長笛一聲埭外落。不堪人在水邊樓。

汪穀園途次大雪有懷沈巧齡校書病中云。薄暮
青帘凍不翻。騎驢人過急敲門。打頭柳絮添詩意。

迎面冰丸散酒痕夜永鷄情同客懶宵寒鼠怯傍
衾溫追憐病骨支離甚獸炭誰然燭又昏

如皇閨秀熊澹卿題桃葉渡云木蘭雙槳夕陽
明有客臨岐正送行萬點飛花春一片渡頭終古
別離情又黃良男詩云團扇新誇七寶成艷歌曾
得感君情盈盈十里秦淮水何處王郎管送迎
楚南王柳齋與余有車笠之好三過曰下髣髴蒼
然而風情不減庚辰秋仲招集陸綺琴董秀琴李
佩雲胡蓮漪輩掛日聽歌賦遊仙曲六首云不司
符籙不朝天贏得頭銜號散仙聽過霓裳新譜後

廣寒隔別又三年下界曾傳芳緒華居然仙艷以
朝霞雲堦月地人來少閒看碧桃紅杏花十二層
城四面開雲軒風帽任徘徊飛瓊囑咐儂猶記離
恨天中少可來何年天女散瓊葩塵世靈苗漸吐
芽種出江南花解語果然多事是仙家青鳥書來
近不同歲星三住蕊珠宮幾回借飲瓊漿去依舊
龍鍾一老翁小吏蓬萊侍玉皇金墀玉闕苦多忙
青蓮謫後耽詩酒始信壺中日月長
明季柳敬亭蘇崑生俱流寓金陵往來諸姬院曲
出入公卿座間其豪情俠氣卓絕一時國初諸

老亦多題贈板橋雜記桃花扇傳奇許其顛末尤
梅菴看雲草堂集中贈蘇崑生二絕云三十年前
大將牙張燈劍舞發箏琶相逢蕭寺驚憔悴紅豆
江南正落花九江標泊九華歸楚尾吳頭舊夢非
莫向樽前歌水調山川滿目淚沾衣
雲林三十六峯樵子田曰下移寓邗江寄贈苕子
校書八律云才上蘭橈木土城高樓玉箔兩三聲
吹來離諸心先墮喚起秋愁客易驚落拓自漸生
馬走叮嚀誰學鷓鴣鳴雲帽雨蓑年年慣漫說風
波不可行昨夜樽前笑語同驪歌聲斷去匆匆忍

地神女。巫雲外。空老襄王驛。夢中瓊樹觀。前秋色。
冷。玉勾斜處。夕陽紅。傷今弔古。尋常事。別有閒愁。
寄遠鳴採葉。劉郎轉暗思。天台會到幾多時。相逢。
六載才膠漆。始信三生有。早遲。感遇頻看衣上酒。
替人常記枕邊詩。平生白笑同痴。蝶選盡名花愛。
一枝羈魂落落。不禁銷底事。飛瓊又見招自薦遊。
仙秋夜。枕閒吹引鳳。紫雲簫。風輕廿四花多。却人。
似初三月。正嬌紅豆。拈殘時記曲。謫來猶自想鈞。
韶病後。腰肢減一圍。雲英不似舊丰儀。鶯當春困。
歌先顫。梅爲煙銷影不肥。寶鴨香僂愁損肺。桂花。

風冷怯侵衣。婦娥。幸喜偷靈藥。醫得清光。永夜輝。
命薄。何妨。不白疑。聰明思興福。爭奇。三更空想蕉。
邊鹿。一局難收。却後棋。鐵板銅弦。歌。悵。惱。長。齋。繡。
佛。誦。慈悲。皈依。欲。拜。蓮。花。座。也。似。英。雄。未。路。時。憐。
我。輪。蹄。足。未。停。飄。飄。難。聚。兩。中。萍。野。鷗。自。愧。衣。常。
白。堤。柳。何。緣。眼。誤。青。陌。上。弱。春。歌。緩。緩。筵。前。擊。節。
惜。惺。惺。此。生。惟。有。花。知。已。訴。與。流。鶯。不。忍。聽。跌。宕。
空。餘。北。海。樽。荒。鷄。無。復。舞。劉。琨。蘭。因。絮。果。芳。塵。香。
紙。醉。金。迷。綺。夢。溫。管。領。六。朝。卿。等。在。遙。憐。三。徑。菊。
猶。存。相。思。此。後。潮。能。寄。夜。夜。回。頭。到。白。門。

杭州何春巢秦淮竹枝云。猩紅一點著樓唇。淡抹
春山黛色勻。壓髻素馨三百朶。風來香撲隔河人。
遠近聽來笑語聲。板橋西畔艇舟行。尋常一柄芭
蕉扇。搖動春蔥。便有清蘭憶。最是晚來多。萬點紅
燈映碧波。我已三更鴛夢醒。猶聞簾外有笙歌。夕
陽兩岸畫樓臺。紅藕香中一棹回。別有芳心剗不
解。扁舟豈爲納涼來。

近過諸姬粧閣中。見其楹聯頗多佳句。如馬翠娘
粧次云。嬌如新月真宜拜。瘦似秋英轉耐看。高秀
英閣中句云。綠雨紅雲春一井。穠香淺夢月三更。

贈吳寇香聯云並命烏銜紅豆寇同心抵插紫丁
香余葑園贈王翹雲聯云終日校讐排悶錄他生
報答有情仙某司馬贈茗玉聯云化爲蝴蝶魂猶
瘦修到鴛鴦劫更多

山石王童山久滯邗江近移白下寓齋小幅書休
寧陳楚南句云貧歸故里生無計病在他鄉死亦
難其久客難歸之甚可慨見矣聞心田誦其僑寓
秦淮與鄰姬夜話七律云老去心情止自知怕聞
絲竹懶吟詩年年滯迹三千里日日思歸十二時
孤客生疎懶慣掩迴廊曲折月來遲鄰姬也怨顰

零古話到鄉愁兩淚滋

滇南三青池又蓮咏盆蘭四絕卽贈單芳蘭校書
云風捲清香透碧紗瑤階百箭長蘭芽美人含笑
爲余道一歲曾開五度花折花簪髮索題詩翠袖
慇懃勸玉屈黃簪自誇原不爽買來還是未開時
花光四照客狂歌滿座笙簫雜綺羅客到此時狂
不得好詩難並好花多別却湘妃伴翠蛾素心猶
似想巖阿較勝開與庸奴看倘入朱門可奈何
小住青溪羈遲十載知我罪我俱未可以口舌爭
也秋浦姚鐵舟翔書來規諷語摯情長真難備錄

又寄七律一首云。六朝風景舊繁華。占住青溪計未差。傲吏情懷同峽蝶。廣平知己問梅花。生來何儻原非福。夢裏團圓不是家。春草年年傷碧色。江郎何事滯天涯。

附錄雪樵和鎮舟原韻一首云。歲月蹉跎改鬢華。學書學劍事都差。詩緣寒瘦誰求草。筆已凋殘不夢花。塔影招來咸澤院。春風吹過莫愁家。登樓王粲歸思切。不愛棧樓近水涯。

院中郭三名噪。一時因訟事牽連。袁香亭爲之關說。當事者覆札云。朶雲飛至誠恐狼藉花枝。欲于

園中立五彩幡使封家十八姨莫逞其勢然弄郭
郎者只是逢場作戲須上臺時看如何扮演再理
會下場可耳香亭復寄詩云一波才定父生波屢
因封姨可奈何不是花奴偏惹事總緣柳弱受風
多。登。場。更。比。下。場。難。牛。鬼。威。風。色。已。寒。要。識。李。夫
人。面。目。何。如。留。待。帳。中。看。

陸靜功壺中偶談載松江湖壽楣久客金陵醉過
青溪喚渡舟子不應自倚石欄嘔吐遙見對岸有
二女子小舟並坐其衣淺綠者吟云草綠苔青傍
枕生月明乘興御風行淒涼何處橫吹笛恰似當

年舊怕盟少頃衣白首復吟云於今醒却舊痴迷
紅豆拋殘莫更提蕩子心情同蛺蝶好花多處抱
香栖壽楣留心切記聽耳邊街鼓業近四更殘月
微明由他道回寓次日仍過其處徧問舟人並不
聞二女吟詩壽楣悚然不復敢深夜遊行
庚辰春莫偶過因是庵適值牡丹開盛邀集胡蓮
漪張寶林作花前竟日之遊兩人居處異地辰邀
已至各攜摺疊扇一柄均畫折枝牡丹一畫姚鐵
井善慶庵看牡丹二律一書初潭集賞牡丹一則
實非有心預購何巧合乃爾因併錄之

鐵角名物貴池人其七律云扶筇同過梵王家綠
雨紅雲爛若霞止道禪門爲善果誰知淨上有名
花生來富貴嬌無力吟到清平點不加誰識甚深
微妙諦空中香色總繁華芬芳麝紫與姚黃四面
樓臺護曉妝鹿苑苔深雙屐少鼠始苞拆一僧忙
延前莫惜中人產檻外能留幾日香拚向花間頭
白盡摩挲老眼看春光

初潭集載王簡卿赴張功甫牡丹會眾賓既集一
堂叔無所有俄而左右報云香發卽捲簾異香自
內出薰郁滿座羣姬以酒有絲竹次第而至別有

名姬十輩皆衣白首飾衣繡皆牡丹一姬首戴照
殿紅執板奏歌伯觴歌罷樂作乃退復垂簾談論
自如良久香起捲簾如前則十姬易服與花而出
大抵簪白花則衣紫紫花則衣鶯黃黃花則衣淺
紅如是十輩衣與花凡十易所歌者皆前輩牡丹
名詞酒竟歌樂無慮百數十人列行送客燭光香
霧歌吹雜作客皆恍若遊仙

余在姑蘇又聞王學耕誦卞時校書寄某詩云不
恨離多恨夢鄉夢中攜手說相思一聲鐘動鴉啼
樹又是柔腸欲斷時迨至秣陵逢人致詢有能知

其舊居油市而伊人秋水渺不知其所之矣

江歸鶴訪紫雲校書云誰家水閣近黃昏滿耳笙歌笑語濕悄立桐陰風露冷曲終纔扣一聲門

李嘯村上巳集飲秦淮七律云板橋雨過水拖藍約踐今朝恰蓋簪馬齒座叨人第一蛾眉窗對月初三歌傳桃葉春猶淺笑索梅花酒正酣恨是緣肥紅瘦日却從江北憶江南

南滁馮筠少震東題李笛樓秦淮煙月錄云買得秦淮作比隣不知古畫幾多春小紅度曲花含笑太白題詩筆有神得意文章關福命會心茗酒總

經綸板橋他日搜遺翰。定讓先生第一人。又陪哈
蔭亭孫虎溪曹義池。周月溪周丁緣板橋踏月五
律二首云。夜氣壓重樓。青溪結伴遊。人烟隨岸遠。
燈火逐波流。長笛三更月。輕寒六代秋。誰家小兒
女。猶自唱伊州。往事記名流。秦淮第幾樓。吟詩留
古意。打槳放扁舟。客舍難爲夜。羅衣不奈秋。閒心
消未得。蕝酒看吳鉤。又憶秦淮七律云。六朝陳迹
隔秋煙。最憶江南八月天。勝國樓臺斜照裏。故侯
門第晚風前。青山謝傅雲雙屐。吹笛桓伊月一船。
何日得隨南向雁。重來江上拂吟箋。

金陵瑣事。載林奴兒。號秋香。成化間妓。風流姿色。
冠于一時。學畫于史廷直。王元父二人。筆意清潤。
從良後。有舊知欲求一見。因畫柳枝于扇。題二十
八字以拒之。云。昔日章臺舞細腰。任君攀折嫩枝
條。從今寫入丹青裏。不許東風再動搖。

羽士朱嶽雲。福田江寧人。著有嶽雲詩鈔。咏秦淮
舟子七絕云。一年生計在煙波。金粉秦淮過眼多。
那更捕魚江上。去。可憐夢裏亦笙歌。

周櫟園與友人話秦淮盛事。詩云。紅兒家近古青
溪。作意相尋路已迷。渡口桃花新燕語。門前楊柳

舊烏啼。畫船人過。湘簾緩翠。幙歌聲。紈扇低。明月。
欲隨流水去。洞簫猶在板橋西。曲曲銀河。蕩晚霞。
蘭叢玉色。閒琵琶。暗潮夜濕。依欄石。細雨朝開。隔。
岸花。菡萏無心。臨翠蓋。芙蓉有意。映窗紗。雪鬢月。
底分明。畫妬殺。垂楊一半。選誰識。合歡夜不開。吹。
笙無力。自徘徊。鐘聲漸遠。隨波去。花氣將眠。過渡。
來。曲曲鴛鴦流。艷夢垂垂。楊柳。綰深杯。一生明月。
秦淮好。到眼雲烟。第幾回。拂水殘鴉。弱自持。輕寒。
簾外影。離離。風吹香動。花無骨。露逼歌聲。月有絲。
漁笛暗隨紅雨落。酒爐閒受綠陰支。鍾山松老雲。

霞漫近日金陵客不宜。又馮筠小憶江南詞云。江
南憶蓮漏。怕重聽。十里畫船歌管。接五更殘燭。夢
魂醒。記得雨初晴。春過處。何事煖如雲。鸚鵡武。恰當
來客語。鴛鴦生爲讓船。分天色正黃昏。

陳佛奴既往揚州。於秋杪寄湘亭一札。併寄香物
數事。湘亭題後七絕云。冰麝芳煤遠寄將。幽窗焚
處斷人腸。分明曩日人。初到一陣衣香。早注堂
或誦秦淮某校書絕句云。雨急風狂勢欲傾。呼僮
急取傍簷燈。奔來簷溜如溪響。隔著窗兒喚不應。
又云。此王翹雲詩也。

旌陽汪潤齋佩暄工繪事。畫五色菊於簷頭。寄馬
紫珍校書。並題二斷句云。曾過三徑話。從容描出
幽姿氣味同。耐得秋光禁得冷。回頭莫怨負東風。
擬將瘦骨比寒芳。膩粉調朱鎖口忙。不信色香都
絕俗。寄人籬落避秋霜。

李嘯村上巳憶白下詩云。清明恰是握蘭辰。遙卜
秦淮眼一新。楊柳晚風深。巷酒桃花春。水隔簾人
橋邊車過香生路。樓外船歸月滿津。憔悴不堪來
舊館。相憐誰爲洗沙塵。

廣西桂林許健庵其源同蔣心餘先生話青溪舊

遊斷句云。十年萍梗寄江湄。何處春來繫客思。記
得青溪舊遊處。桃花深護小姑祠。

如臯馮玉林原與王桂娘同居。桂娘去後。遂歸馮
氏。改名福姿。其始至白門。卧病數月。霜菊雪梅。未
免憔悴。隔年餘。再遇於鈔庫街。則桃花春水。顧影
堪憐。聞與邗江湯某綢繆。臨別留贈七律云。一掛
輕帆便各天。相思有夢亦徒然。蔗甘終竟荼同苦。
藕斷何堪絲又牽。歡會從今思昨日。光陰容易過
中年。懸知兩地離愁苦。怕看當頭月再圓。
喜齡胡七養女居淮清橋水巷十五歲時。色藝俱

佳。不屑賸。伍春日放美人風箏。洪勺泉題詩云。霧
鬟烟鬟白練裙。御風行處。傍斜暝。應酬久。思離
俗。位置空高。太不羣。幾見嫦娥曾入月。由來神女
慣爲雲。因緣一線。非難斷。莫把飛昇早認真。

馮筠少茉莉詩云。磁盆軟土絕塵埃。清白丰姿婉
媚才。插入鬟雲連葉少。稔將纖指待花開。夢回珊
枕香猶膩。妝罷朱樓賣。以來一蕊一珠攢。萬朵秦
淮風景足。低徊又玉簪。花結句云。只恐鬟雲簪不
住。小鬟生怕倚欄干。又梧桐一聯云。遊戲功名憐
介弟。風塵賞識讓中郎。俱摹寫有神典。切入妙。

柳橋絕夢詩寄白門某校書云鶯離燕別太匆
忙猶喜宵來入夢鄉爲道風波難跋涉更憐清減
細端詳繁絃催唱新翻曲小袖仍藏舊日香珍重
夜寒休再到板橋殘月有輕霜聞柳橋與馬月香
有終老之盟此殆寄月香也余曾晤月香於張鳳
林席間身軀短小雅淡宜人殊足繫人懷思
鍾沁香李雨亭劇賞胡双喜張寶林馮秀卿曲藝
之佳因同二公乘輿踏月適双喜抱恙失音不勝
快悵沁香於席間日占云樽前唧唧似蟲鳴病裏
歌喉怕倚聲名曲要聽偏少福舊絃重理亦多情

樊川薄倖人。都老王。蔡思歸賦未成。時予將銀燭歸豫章。

華堂今夜酒。青衿紅粉問三生。

汪元琛金陵雜詩云。青溪一曲鴨頭波。相約蒨裙踏淺莎。双槳月明桃葉渡。但聞人語不聞歌。

白下秋闈。士子雲集。秦淮諸姬家。詩詞楹帖。觸目紛披。但萬斛沙中寸金。難得偶於楊韻香校書水閣。見呂卓園艷錄舊句一律云。柳絮吹殘柳浪搖。

春淮日日長。春潮水高。船影平欄過。風急。歌聲隔岸。飄檢點妙香。焚寶鴨。編排小令。配瓊簫。桃花門。

巷深如許。記得天口路一條。

予與趙敬夫同過東水開。余飲香榼書。敬夫急急
欲行。飲香戲曰。冬去春來。疏濶詳久。況已過清明。
春光易老。何不追歡。竟日殊覺負此良辰。予愛其
吐屬絕似汪蛟門。好女兒一闕云。隔樹鶯聲喚起
春情。九十韶光。今已半。看梅萼凋殘。桃花歷亂。楊
柳輕盈。怪煞檀郎不定。寬後約。負前盟。若道是別
離。猶未久。已倏忽。花朝無端。上巳又早。清明
王功甫敏代卞小鳳送某回中州七律云。幾年聚
首共蹉跎。執手踟躕奈別何。夜雨淒涼傷舊雨。清
歌冷落怕驪歌。熏爐那及郎情熱。蠟燭真同妾淚

多短。揜長亭人獨去。滿帆風雪渡黃河。

偶過嘉興。友人相菊溪。屢前秦淮女子竹香近。況
若何。予雖久居白門。曾不知竹香爲誰。轉問菊溪。
乃菊溪亦只聞其詩而並不知其姓氏居址。因誦
其春夜懷人一律云。簷鐸声声夜漏遲。丁東入耳
最淒其。剛愁酒醒誰相伴。恰喜燈明影不離。芳草
隄邊留舊恨。飛楊屋角掛新絲。此情難向人前訴。
只有菱花鏡裏知。

長沙嚴仲簡。年才弱冠。僑寓秣陵。間宿院中。情殊
急遽。常側聽夜漏。黎明馳去。其友黃星堂調以詩。

云鴛枕偏憐一夜愁。濃香淺夢數更籌。笑君恰比春霜薄。紅日高時影不留。

雲林逸叟浪遊吳越間。二十餘載。癸未冬六十初度。忽整歸輦。陸調毓校書邀集張畹蘭蔣秀英胡雙喜四嘉輩。共設餞于因是庵。留別諸姬二律云。白頭分袂最淒涼。無奈桃花戀夕陽。綺席難辭今日醉。旗亭猶憶昔年狂。佳人滿座都傾國。游子還家恰被鄉。恨別傷離徒懊惱。燈殘酒醒莫思量。生憎薄倖到而今。誰識樊川一片心。玩月怕圓愁月缺。看花不折惜花深。休傷遙夜空吹笛。自有知音。

莫碎琴紅豆。拋殘白門道。垂垂翠。焚易成陰。

聞周介軒述王午秋闈楊研齋龍霖亭全友人扶
乩于秦淮水榭。默祝後乩忽自動。得斷句四首云。
何處鐘聲日暮時。鷺峯寺外夕陽遲。笙歌歇處遊
人散。自剔苔莓讀斷碑。秦淮誰說舊盟寒。兒女酸
辛淚不乾。底事相逢白門道。帶圍難禁一時寬。蘭
橈燈火夜深紅。數遍欄干第幾重。記得當時歡喜
地。玉河亭在板橋東。名士名姬笑語遺。依稀風景
似當年。不堪幽恨重提起。春雨梨花落墓田。楊問
作者名姓。乩復動曰。兒乃秦淮舊人張喜林。蒙公

等見招無司。迴避。但兒粗識之。無不通文藝。於簷
峯寺前逢舊好張質夫。強與俱來。詩則質夫口占
也。楊又問諸人誰可獲雋。凡曰祿籍掌自文昌。我
輩何能分曉。再書絕句云。棘闥深鎖萬燈明。食葉
春蠶夜有聲。老將重經酣戰處。秋風淚洒石頭城。
予憶質夫。殆亦老諸生而客遊秦淮者。

春日同李雨亭閑遊秦淮。偶過某姬家。適一僧先
在。予爲誦鳥宿池邊樹。僧敲月下門句。姬力白無
他云。是舊隣。偶爾過訪。越日以其事聞于楊香輪。
香輪述一趣語云。昔有夫外出。經年始歸。謂其事

曰獨處無聊亦與戚里往來乎妻云自君之出足不踰閼卽寂寞難遣以小詩自娛其夫欣然索詩稿閱之開卷第一題卽是月夜招隣僧閒話

袁韞玉西樓記初成就正于馮猶龍覽畢置案頭不致可否袁惘然而別馮方絕糧室人以告馮曰無憂袁大令夕餽我矣家人以爲誕袁歸躊躇至夜忽呼燈持百金就馮至門門尙開問其僕曰主方秉燭相待袁驚趨而入馮曰吾固料子之必至也詞曲俱佳尙少一齣今已爲增入乃錯夢也袁不勝折服今尤膾炙人口事載堅瓠集按西樓舊

扯在秦淮河武定橋下自許公香巖修葺後又經
易主若非法菊流傳亦安有過而問者

溧陽彭賁園光斗秦淮絕句云雙雙蘭漿畫橋西
上已風光入望微一派綠楊遮不住歌聲輕度夏
侯衣誰製新詞教小紅蓬艚低按玉玲瓏楊枝已
去徐娘老莫向尊前唱惱公

汪來峯寄寓秦淮習靜齋托病不出有旅病一
律云年來踪迹苦勞形借病偷閒戶半扃藥情美
人量水煮詩煩老嫗輟炊聽秋聲到樹驚殘夢月
影移花上短屏枕畔每聞隣舍曲三更歌管不會

停。又。賁。園。再。過。鈞。魚。臺。有。賣。花。聲。詞。云。檻。外。綠。楊。
遮。影。透。窗。紗。凭。欄。處。處。玉。無。瑕。記。得。旗。亭。會。畫。壁。
是。那。人。家。深。巷。酒。旗。斜。路。好。疑。差。陰。陰。庭。院。隔。籬。
笆。綠。掩。紅。藏。昏。似。夢。風。送。琵琶。

余。將。有。揚。州。之。役。鄭。玉。齋。江。曉。亭。共。觴。於。厲。四。娘。
家。適。其。女。玉。林。校。書。購。芍。藥。數。十。本。曉。亭。賦。芍。藥。
一。律。卽。送。予。之。邗。上。云。花。神。莫。厭。酒。徒。狂。絲。竹。筵。
前。徹。夜。忙。簾。內。影。搖。千。片。錦。檐。頭。風。送。一。城。香。莫。
呼。小。字。愁。分。袂。芍藥一名將離但。惜。餘。春。勸。舉。觴。明。日。廣。
陵。騎。鶴。去。虹。園。嬌。艷。費。平。章。

秦淮沈翹翹者亡二十餘年矣友人誦某生弔翹
翹絕句二首云舞衫如蝶鬢如鴉醉倒城南碧玉
家一霎紅樓春夢知酸風苦雨送梨花眉斂秋霜
冷畫屏崔娘卷裏太零丁紫羅紅杜都尋遍何處
空山墓草青後閱耳食錄知爲河南韓生弔都下
沈翹翹之詩愛其淒惋有致並錄之

王建宮祠云密奏君王知入月喚人相伴洗裙裾
按黃帝內經女子二七而天癸至月事以時下又
曰女子不月則王建所云入月卽月事也近人諸
春生欲寄宿院中尹新官以月事婉辭

堂爲

賦絕句云。鴛鴦此夕費安排。雙宿雙飛事一諧。爲報嫦娥今入月。與卿同學太常齋。

日。扎載美人妝。面旣傅粉。復以胭脂勻。掌中施之。兩頰其畧濃者。爲酒暈粧。淺者爲桃花粧。薄薄施朱。以粉罩之。爲飛霞粧。梁簡文詩。有分粧開淺靨。繞臉傅紅斜之句。近日秦淮曲中。競尙飛霞粧。華亭王秋塋絕句云。水晶簾下看多時。淺淡飛霞鏡裏知。莫更樽前添酒暈。輕敲歌板喚紅兒。

馬湘蘭舊宅。今改爲佛庵。賁園七絕云。拍拍寒塘野鶩飛。數株衰柳留禪扉。壞墻風過幡飄影。猶認。

樓頭舊舞衣。

宣西庵江干曉發。寄王寶珠校書云。催人腸斷五
更鐘。不管離愁幾萬重。江上蘆花舟上客。一齊侵
曉趁西風。

長安客話金陵陳大聲鐸。朝北地巷曲云。門前一
陣驟車過。灰揚那裏有踏花歸去馬蹄香。綿裙綿
襖。綿褲子。膀脹那裏有春風初試薄羅裳。生慈生
蒜。生韭菜。腌臢那裏有夜深私語口脂香。開口便
唱冤家的。歪腔那裏有春風一曲杜韋娘。舉杯定
吃燒刀子。難當那裏有蘭陵美酒鬱金香。頭上髻

髻高二尺。蠻娘那裏有霧鬢。雪鬢宮樣粧。行雲行
雨在何方。土坑那裏有鴛鴦。夜宿銷金帳。五錢一
兩等頭昂。便忘那裏有嫁得劉。勝阮郎。近日秦
淮曲中。人人競秀。戶戶爭華。陳設做商彝。漢鼎綺
窗。嵌雪母玻璃。曲檻長廊。望徹湘簾。繡幙曉風殘。
月聲傳鳳笛。鸞笙奇服。艷粧雀裘珠繡。瑤釵寶珥。
火齊貓睛。味厭山珍海錯。人思火棗冰梨。淺斟低
唱。飛瓊恰霄漢飛來。檀板金樽。玉娟比瑤池玉潔。
遙想大聲見聞習慣。故鄉風景。故一遇趙女燕姬。
直是人間天上。

黃陶庵先生不肯和河東君詩。蓋賦性莊嚴。其詩却極有風趣。如竹枝歌云。東湖西湖蓮花開。一日搖船採一回。蓮葉田田無限好。只因曾見美人來。柳條不繫玉蹄驕。拘作長鞭去路斜。春色也隨郎馬去。粧樓飛盡別時花。近有詩本不佳。而自矜身分者。柳塘以沈餘霞校書小照求題于某生。某意不屑置之。餘霞爲子曰。某不題照。拜賜多矣。聽其言詞鄙俚。必無佳句。倘一落墨。行將柰何。後見某莫愁湖句云。詩人何事無高見。不咏功臣咏莫愁。回憶餘霞之言。誠爲不謬。未幾湘潭王瑞軒來云。

余訪餘霞不獲。今始知其移居鷺峯寺後地。頗清幽。曾出梅花小照。囑題得七絕一首云。一重門掩一層花。人夜寒芳透碧紗。不是色香清絕處。美人何事肯移家。予笑曰。君爲某公捉刀。餘霞雖不知詩。而實能知人。因述前事。共相慨歎。

謝小娟年十四。明眸皓齒。顧盼嫣然。鍾沁香贈七律云。脈脈泉聲愛細流。兒家小築徑通幽。等閒公予留紅葉。多少才人願白頭。對鏡修容疑入月。擎簾識面抵封侯。禪心笑我沾泥絮也。逐東風上玉樓。

揚州汪蛟門贈柳敬亭賀新郎詞云何物吳陵叟。
儘平生談諧遊戲英雄屠狗寒夜蕭條聞擊筑收。
葉滿庭飛走令四座歎歎良久說到後庭商女曲。
悵白門寂上烏啼柳天付與懸河口可憐飄泊寧。
南後記強侯接天檣櫓橫江刁斗亡國豈知逢叔。
寶世事儘銷醇酒滿目爛羊僚友心識懷光原未。
反但恩仇將相誰知否少平勃黃金壽。

鍾沁香贈言露香校書云橫看側視總銷魂疑是。
前生淨六根粉黛輕勻花有致丰姿皎潔玉無痕。
繡簾風細游絲軟寶鼎香清篆影溫知否最難商。

量處一鉤新月近黃昏。又贈蓉裳校書云。燦爛衣
裳五色絲。章臺誰信有瓊枝。知名久列羣芳譜。繡
像新增百美詞。袖影風飄春笋嫩。眉彎黛淺遠峯
低。留人細語鶯聲軟。猶憶盈七十五時。蓉裳本吳
人。愛着繡裳。見者目炫。彈絲品竹。藝冠一時。雖稍
長。猶自矜持。常與雛姬小鬟角勝云。
雲林逸叟重遊白下。喜晤茗玉校書。贈詩云。誰云
別後見時難。春去秋來雁一般。夢裏悲歡傷聚散。
燈前驚喜話溫寒。重逢解語名花好。直當知心舊
雨看。靈鷲畫檐應有信。綠楊深處卸征鞍。

情○性○嬌○痴○劇○可○憐○風○寒○刺○冷○夜○將○眠○七○時○記○得○清○閒○
睡○鴨○重○溫○護○水○仙○余○見○此○詩○於○馮○雙○喜○壁○間○
末○名○氏○詢○之○云○購○自○夜○市○中○錄○之○以○俟○知○者○

杭○州○宋○笠○田○樹○穀○山○塘○閒○步○云○疏○狂○猶○記○少○年○時○
幾○處○歌○場○鬪○雪○詩○此○日○舊○遊○零○落○盡○酒○痕○只○有○故○
衫○知○似○此○風○光○絕○可○憐○相○攜○朋○好○踏○春○煙○怪○他○楊○
柳○舒○青○眼○止○向○長○街○看○少○年○近○人○劉○璧○田○珏○再○遊○
秦○淮○云○衰○柳○斜○陽○客○再○遊○舊○人○無○復○唱○涼○州○劉○郎○
老○去○風○情○淡○自○堪○吟○髭○賦○感○秋○秦○淮○畫○舫○劇○玲○瓏○
短○檻○疏○簾○四○面○通○忽○聽○隣○舟○歌○子○夜○借○人○絃○管○醉○

虞初續志

卷十二

一

西風二公詩傷時感逝中年以外人殊難多讀
願與治秦淮感舊七古云淮流雨足波光膩詞客
停船午相遲文園多病阻清歡坐起尋思溯洄意
此時落日酒初酣望裏悠長總詩思何人對此最
深情風前獨下鍾山淚遊子皆言風景殊居人倍
感河山異余生曾作太平民及見神宗全盛治城
內連雲百萬家臨流爭饒笙歌次一夜扁舟價十
千但恨招呼不能致佳人向晚傾城來只貴天然
薄珠翠不知薌澤自誰邊樓上舟中互流視采鮑
門罷喧未已蜿蜒燈光夜波沸偶將一葉到中流

半○夜○移○舟○無○槳○施○常○時○只○道○長○如○斯○四○十○年○中○歲○
遷○易○渡○頭○猶○是○六○朝○煙○畫○閣○珠○簾○久○顛○顛○鵲○首○全○
隨○戈○甲○人○馬○嘶○亂○入○王○侯○地○卽○今○月○好○幾○船○閤○惟○
有○空○明○照○酣○醉○繁○華○既○往○莫○重○陳○幕○燕○搖○搖○定○猶○
未○但○願○遊○人○去○復○來○再○見○太○平○全○盛○事○卷○中○多○錄○
國○初○人○詩○詞○亦○見○明○季○木○造○士○夫○鯁○自○傷○懷○有○不○
能○自○已○者○我○輩○生○當○盛○世○江○山○秀○發○花○柳○榮○敷○
窮○達○均○有○餘○樂○謂○非○覆○載○生○成○之○獨○厚○乎○

江○夢○亭○題○沈○素○琴○水○閣○云○數○椽○斜○枕○舊○青○溪○窗○外○
輕○紅○杏○一○枝○花○映○清○流○人○倚○檻○雙○照○照○影○水○都○痴○

張子台雨中同小雲司馬二波騎尉題吳姬寇香
擢月圖三絕句詩云玉簫金管蕩橫波何似吳姬
細馬駝爭怪双鬟忘不得當年曾與唱黃河九曲
秦淮話六朝不堪同聽雨瀟瀟櫓牀小響分明記
青粉垣西舊板橋未到黃昏掩側門初三下九易
消魂東風二月梢頭恨都在江南紅豆卹
武進黃仲則景仁中秋夜游秦淮歸城南作云城
南好酒如春泉醉塌酒家樓下眠醒來露重葛衣
冷正見皓月當中天呼僮起步六街去香塵寶轂
青溪邊玉蕭子夜聲未歇離姬十五歌可憐此時

據鞍我亦樂。顧影不覺猶。少年惜哉花。月只空度。
春江回首愁如烟。去年此夜人初別。今歲今宵已。
成憶懷人中。酒自年年。此時愁煞天涯客。桃葉渡。
莫愁湖。昔日佳麗。今有無殘金剩粉。弔不盡徘徊。
漏下啼城鳥。城鳥啞啞。天將曉。走馬卻出長干道。
到此惟餘萬古愁。荒荒月落高城小。

自門馬子周秦淮雜咏云。丁字簾。卽月上時簾中。
低唱竹枝詞。雛鶯出谷啼。猶軟乳燕臨風態。不支。
我對青衫懷白傳。誰鈔藍本贈紅兒。憐卿親捧銀。
箋紙補索前宵感遇詩。

江寧秦耀曾字遠亭潤泉殷撰之孫芝軒尙書哲
嗣以孝廉官武部員外工詩少學明七子近師山
谷放翁著有鳳梨書屋詩鈔其和清溪舟泛圖八
首云紅蠟能填碧玉簫青油初泛木蘭橈聽歌已
過橫塘口流水潺潺冷竹橋短籬缺處補移楊野
蔓無人自有香七十二航歌板寂更從此地關濤
涼黃蘆苦竹儼荒汀水榭傾頽閉曲櫺疎雨一畦
人不到豆棚蛛網挂蜻蜓祇林双社鎖山扉樹杪
危巢白露飛忽見青霄飄一角隔林大吹酒人歸
翠洗層巒淨曉鬢鴨頭波醺兩三灣怪他眉譜翻

新樣寫作双蝦對博山。欲問臺城十里隄。藤梢橘
刺路還迷。石橋若口南朝寺。草翦裙腰。蛺蝶低消。
夏寧煩折簡呼。一舸穩載阮嵇徒。吟懷漸減風懷
冷。不藉詩娛。藉酒娛。簫鉤窗網待重新。翠羽明璫
愁未真。欲采蘋花慰幽怨。小姑祠下唱迎神。

滇南嚴廷中。字秋槎。匡山方伯哲嗣。官萊陽少尹。
七攝縣事。山左稱循吏焉。著紅蕉吟館詩集。逼真
晚唐。其秦淮曲云。荳蔻含苞團香雨。芙蓉根抱相
思土。斷雲殘月。不分明。化作秦淮烟一縷。秦淮十
里九停橈。金粉依稀認六朝。一道盈盈衣帶水。紅

樓分岸住。妖嬈銀屏珠箔。紛無數。雕欄畫棟參差。
露玳瑁梁高燕穩。棲流蘇帳。煖春難去。洞房曲折。
繡簾遮。簾內深藏解語花。侍兒宛轉。知畱客。鸚鵡。
聰明會喚茶。綠酒紅燈。開夜宴。釵聲髻影。圍佳豔。
纖手親揩白玉盤。冰梨雪藕。隨時薦。鬆髻髻子學。
蘇州珠翠。尋常不上頭。茉莉半開。工媚夜芝蘭。斜。
插更宜。秋輕盈。體態天生就。冰綃束緊。腰肢瘦。衣。
染鷺黃。柳色嬌。褰拖湘水春痕。綳歌喉。一串大玲。
瓏。鶯鶯。讓。悠揚。燕。讓。清。紅。豆。迴。環。新。記。譜。綠。陰。別。院。
夜吹笙。十五吳娃。初省事。眼波已解。隨人。試花信。

專工繡。繡枝。爐烟也。篆鴛鴦字。更有年華廿二三。
可人中。婦倚嬌。愁溫柔。儘讓秋娘慣。風月九推阿。
姊。諧秦淮。十里春無縫。銷金不止。銷魂重。杜牧空。
畱。薄倖名。高唐未醒迷離夢。我昔乘舟。過白門。紅。
紅翠翠。解溫存。双飛絲鳳。會畱影。十索新歌總斷。
魂江山無恙。繁華歇。人間天上仙凡別。葛問當年。
舊板橋斜陽衰柳。蟬声咽。

虞初續志卷十二終